

佛本行經

達

四七

C40
4514
168



佛本行經

達

四一

C40-4514



B 64853

佛本行經卷第一

宋涼州沙門釋寶雲譯

因緣品第一

今羸班宣法	慈心專聽受	佛衆經要義
聖師之言辭	傳佛之典籍	最利益於世
受者蒙大慶	潤及一切生	普一切諸佛
仙聖明王智	慈心稱名者	獲福不可量
今故演吉祥	憂苦永滅亡	所至之方域
莫不得安隱	檢情專守心	各各靜意聽
其有奉持者	雪除諸垢穢	以清淨法水

經

佛本行經卷第一

一

卷四

勤加浣濯心 入滅度深池 受色甚鮮明
五欲猶奔馬 著世隨之迷 廻旋無出要
勞欲所欺誤 或馳於盲冥 獨周旋五道
以智慧之勤 善御回愚心 當以無常策
播制情欲馬 挫折饕餮意 令亡捨諛諂
六欲江河流 趣惡甚速疾 當以智慧力
設牢厚堤塘 樂生死勤苦 未曾得休息
以無厭足意 迷醉於五欲 八種之湯藥
和合甚神良 順伏甘露味 迷醉尋醒悟
三界衆生類 倒見手所指 顛倒於五道

猶如拍毬跳 垂脫盡苦際 還復墮生死
今聞聖明教 宜息迷惑心 慈悲之光明
普照耀於世 愚覩熱時燄 癡心自迷惑
生死猶曠澤 孤麁迷於中 宜服飲法乳
除久飢虛渴 衆生從久來 爲老死所吸
不喜見良藥 逆罵謗醫師 醫合三十七
雜藥神良膏 宜以方便求 勤服以除患
塵勞之長夜 衆生甚安眠 宜擊甘露鼓
寤令莫睡眠 佛日出於世 照曜法豐秋
宜以智慧眼 勤心普遍觀 衆生心如水

躁擾濁不明 以法滄使清 猶如秋時水
衆生善御心 定意不躁濁 速疾得歸趣
入于泥洹海 種種變形體 於生死長遠
天人三惡趣 地獄鬼畜生 今宜捨嶮欺
諛僞傀儡形 入滅琉璃城 合爲一種色
有王名阿育 無憂享國土 能使怨憂恐
歸附者喜敬 普於此地立 八萬四千塔
天龍鬼神喜 聲震於天下 時金剛力士
聞是震動聲 佛法更盛明 因是追念佛
低頭拄頰悶 惟佛在世時 諸天有問曰

唯仁何爲愁 諦視良久間 然後乃長歎
懷悲聲戰悵 發言報之曰 佛天中天師
施善教天人 追憶佛聖尊 是以愁悶耳
是諸天人等 後生不見佛 佛去世之後
乃生於天上 始聞佛名號 衣毛皆起豎
因以慈敬心 問於金剛神 唯仁佛是誰
有何善妙德 有何智慧力 有何律禁法
其形貌何類 以何自嚴飾 唯仁垂顧屈
爲吾等具說 以是光明言 勸進金剛神
發言猶花敷 含笑和顏曰 所問深妙法

難可倉卒說 諸聖不能究 獨我安能陳
若能以手指 舉佛世界地 四海諸淵池
一吸能令盡 若能都渾吞 鐵圍金剛山
以蓮花根絲 繫懸須彌山 若欲圍纏裹
窮盡虛空表 若復欲計知 十方衆生數
是事猶易致 學之或可得 欲歎佛功德
無能盡具者 願承佛威神 令意不謬誤
能少少班宣 歎佛之德善 今我之所說
猶如鸚鵡言 以歡悅仁等 可專意諦聽

得歎如來品第二

今欲昇清虛 翔佛無外法 適欲稱發言
心爲之沉疑 吾心之羽翮 勢弱不能強
佛之空無慧 包博虛空外 假令有力士
盡力射虛空 箭行過劫數 不能至空際
若干賢聖明 於佛大空慧 以無量辯才
不嘆盡佛德 已度苦海岸 枯竭愛欲河
塞生老死淵 開立大法海 天人及異術
不能盡慧源 是故佛慧海 深邃無涯底
須彌衆山王 諸天遊居上 佛德踰須彌
莫能見頂者 魔王進三女 來欲亂道意

所至靡不惑 唯佛慈能護 魔王十八億
變形來欲戰 佛從衣出臂 如日照雲赤
以百福相手 擬地勝魔王 不敢當佛德
猶冥眺日光 諸天無能毀 魔王貢高幢
唯佛能碎壞 佛豎大法幢 其餘塵勞王
強力含怒害 愚癡及死魔 軍率諸子孫
愛生五蓋子 先登纏覆世 有餘懷害進
變形若干種 怒害嫉慳妬 熱惱慢貢高
倒見貪欲求 邪癡塵勞王 其弊懷害強
圍遶求對戰 結布塵勞陣 各現武備力

各放剛猛弩 以中凡愚夫 其箭如毒蛇
又有如熾火 迦葉佛已來 無以爲對者
佛德障其箭 益甚放熾然 乘戒德之車
被忍辱牢鎧 駕以精進馬 入滅塵勞陣
以正見利鏃 以正思爲鞞 以正言爲羽
以正行爲筈 以正路爲弓 意箭中拔箭
放慈力駛發 佛箭名四等 一發滅塵勞
震三千世界 慧熾火塵欲 猶如軍被燒
施戒忍進定 慧信及堅固 守志不移動
猶衆川歸海 世清空中明 十方普蒙安

心一定堅固 思惟世起滅 以得金剛心
壞碎塵勞山 以佛眼觀見 三千界如鏡
外學諸神仙 久學無所覺 一切智無師
名諸佛之師 強慧金剛背 潰壞癡堅卵
脫出愚冥獄 凌無爲清虛 天上食甘露
食隨爛馬麥 不甘著天味 不患厭馬麥
調達怒放石 羅雲立其前 俱以慈眼視
見毒梅檀等 外學所誹謗 天人所稱嘆
於二意不動 猶口吹須彌 名聞三千世
佛是普世師 好首所虛謗 心等無喜感

遇利衰毀譽 若稱譏苦樂 八法不能染
猶如水蓮花 天上人間樂 視皆爲不實
觀世如愚戲 有形皆空無 三衆趣衆生
開其難開門 空三惡趣獄 導天人無爲
經越度三世 縛阿須倫憍 勸導衆善本
兩三寶於世 往古轉輪王 自在於四方
於已不自從 免死至無爲 佛修種種業
治理法空城 濟脫塵勞賊 將至無爲城
日能照晝不及夜 不曜天上三惡趣
佛光晝夜三千世 乃至一切衆生心

佛神妙暉常盛明 千萬無數難可喻

月之盛明十五日 其暉曜夜無益晝

天帝懷憂悴 壽命臨終沒 垂退失天福

詣佛還見諦 日月世眼目 阿須倫所繞

佛慈濟世間 救令不遭厄 憂烟想如燄

樂欲如服藥 愛著喻盛火 佛滅以法水

懷恚甚怒害 飲醉狂惑亂 鴛崛魔醉象

佛以慈制伏

無量生死堅纏裹 愚癡之賊蔽其目

佛以言錚智慧藥 決除鬱鞞迦葉賊

時三人等塵甚厚 假令聲聞如恒沙

無有能動其毛者 唯佛濟使覩道明

容貌甚嬌慢 因寶黼黻服 瓶沙最矜高

見佛屈受禮 頭如戴火燄 牙長眼正赤

怒則擲火燼 佛降阿臘鬼 龍王懷毒怒

電害摩竭國 佛動地崩山 威勢滅龍毒

佛猶大象王 入生死萃池 踐蹈塵勞軍

竚立泥洹中 佛導渡生死 如牛渡流河

衆生渡至今 如羣牛隨道 佛如入解池

生法芙蓉花 天人如蜂集 服香則離苦

諸天聞海水 底有不死藥 以海大龍王
纏繞須彌山 諸天阿須倫 攬海至千歲
設若干方便 盡力甚勤苦 引萬種藥精
進令水上凝 謂是不死藥 接盛以金瓶
服者不永壽 不離老病死 意謬持神藥
轉輪無邊際 佛以七覺意 慧力攬大海
圍繞以滅定 引以精進力 致出甘露藥
永安滅老病 最樂滅衆苦 服者離生死
佛明踰日不亂精 盛踰月滿而不寒
樂過六天而消欲 酸如盛火無所燒

法甚微妙德行具 衆善伏藏積福聚
普集天人之善好 歎視佛德無厭足
光耀如日明如月 悅目如華聲雷震
步如象王忍如地 普勝世間佛獨最
如是無量清妙歎 衆聖窮劫不能盡
况吾愚淺欲究竟 猶無舟船欲渡海
諸人皆叉手 懷悅謂金剛 願佛下兜術
卽受許爲說
降胎品第三
處兜術宮時 以天眼普觀 觀衆生苦惱

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

經

佛本行經卷一

八

四

追憶往古誓	本願安衆生	累劫勞求佛
生生遭艱難	不厭種德本	第一上祠祀
從發意已來	以金遍布施	惠施手成德
從初種種施	聞者衣毛豎	頭目身手足
妻子所愛重	嚴駕名象馬	寶車垂真珠
若當合聚此	普地不容受	勸施聲雷震
如天降時雨	累劫以慧水	普潤飽衆生
施酪池乳江	福山酥如泉	蜜壚石蜜積
普嚴飾此地	未曾違求者	與與無所逆
水灌受者手	踰於四大海	奉父母明師

慈心具種事	所施無崖限	成施度無極
所生守戒勝	沒命不穢禁	剃頭爲沙門
髮積踰大山	生遇天五欲	遭沒命危難
不動毀淨禁	具戒度無極	生得尊自由
未曾施人惡	截頭目手足	心定得忍辱
情悟發求佛	逮進超九劫	彌勒等應先
勇猛出其前	貪慕深妙法	因身受慧義
入火投山巖	支節鐵針釘	十八法智慧
奉行無廢勞	覺了一切源	度智無極岸
施戒忍進定	智慧江海淵	慈悲傷衆生

經

佛本行經卷一

九

四

成喜悅光耀 毛孔雜色光 明動堯術宮

諸天懷疑集 肅敬禮菩薩

卽時種種擊金鼓 任恣賦與七覺籌

誰欲與吾降世間 故相延請法賓會

光從堯術照四方 樂役力渚闔浮提

卽勅侍臣卿月猛 汝識世間大國王

何國可託生 不違古典制 應遭遇菩薩

奉順佛言教 對曰唯聖聽 有大豪尊王

有王名善求 典主王舍城 波羅柰城主

王名曰善猛 竭國王百才 鬱禪王名巢

光燄王留生 又王名勇武 王善臂之子

又名白雪光

是八大王有名聞 不審爲可託生不

曰有是王穢不真 遍更察觀真正者

思惟斯須曰更有 轉輪王種壽典後

王最後孕名師子 其子曰淨釋中尊

善妙稱吾意 應託生爲子 白淨男中上

妙后女中英 諸城邑之中 迦維羅越最

今日吾當降 施善於世間 示衆生以正

牢縛欲枷鎖 破壞生死獄 開示無爲路

示衆生方便 令出生死獄 卿等誰欲樂
離苦滅度安 欲自度苦者 與吾俱降下
班宣是法已 便下兜術宮 顯乘令音知
白象如銀山 菩薩乘象王 如日照白雲
諸天鼓樂舞 普雨雜色花 日精之明珠
光照耀王宮 降神下生時 現瑞甚微妙
菩薩降入胎 如鴈處清淵 如秋盛月照
如象處花池 日以光照好 月以盛明珠
菩薩無可喻 唯與善福俱 處妙后胎已
地六反震動 猶如水中船 空中崩雷聲

海池肅肅動 衆流淨澄清 諸天於空中
布華如帳幔 稱慶踊躍喜 地神欣然笑
諸華盡敷鮮 遍地無空缺 樹神見衆花
開張如目視 魔王愛樂樹 卽萎摧憐愁
妙后寐寤尋憶夢 諸根寂然喜踊躍
舉目四向遍察視 玉顏怡悅蓮華色
卽啓王曰唯願聽 夢中所見甚吉祥
大白象王有六牙 忽然來至在我前
王聞后所夢 懷疑喜踊躍 卽召梵志占
爲說夢所見 明達善占夢 思惟乃發言

按典籍占夢 唯聽今諦說

女夢日光明入腹 因此懷妊生吉子

如日赫照普地界 其子德尊主一方

夢見月滿眾星俱 光照女腹因懷胎

生子聖達轉金輪 典主四方正法治

此女夢白象 趣入其右脅 此子無瑕穢

天人稽首禮 一切無不知 所生必為佛

此典古聖識 王后夢白象 當生寶聖子

神仙獨象步 按卦以占之 必生天人師

其唯有二趣 樂家為聖王 捨家除鬚髮

成佛眾聖師 喜其占夢諦 賜金恣其意

王后聞甚喜 以善事啓王 自夢此以來

恬然服甘露 體性眾惡除 唯願樂眾善

不樂名寶衣 唯善潔素衣 不好寶名扇

樂露清涼風 厭穢於五欲 樂受正真法

六情不復著 色聲香味觸 不復樂宮室

意思遊園觀 啓王如是已 王即答之曰

恣卿意所樂 王從將俱出 乃至於流民

清涼華樹園 后自內觀身 如淨水月影

處胎無垢穢 金華琉璃舉 月滿諸根具

觀如寶明珠 后覺生期至 遊詣華香園
其園肅肅清 諸妙神來集

如來生品第四

于時沸星 適與月合 吉瑞應期 從右脇生
猶如雲除 千日霍現 譬如久冥 炬光率耀
東方爲首 樹爲頭髮 華草爲毛 蓮華爲面
青蓮爲眼 丹樹爲口 須彌爲乳 四海爲腹
中土爲腰 南方爲髓 秘爲垂珠 恒爲香瓔
西方爲足 衆寶爲飾 諸轉輪王 歷代典主
如江河數 佛所履踐 千輻相輪 常如印章

過去諸佛 所修德義 生育萬物 猶如慈母
難動卽時 肅然震聲 懷喜庠序 和悅而瞻
卽時右脇 顯大輝耀 遏絕日光 日如螢火
今日失明 無復精光 光如華髻 現若干色
罍塞四方 滿虛空中 譬如雲除 日照然現
爾時諸天 見晃昱光 悚然恠異 而相謂言
日天下耶 金樹出乎 有神對曰 佛日出現
日天子疑 是何異日 將無奪我 日城宮殿
懷嫉霍然 彼千光明 佛耀輝地 日焰照空
太子懷光 千倍踰日 日光還逝 退不敢當

經 卷之三 三

天地普然 如劫盡焰 天地冥闢 如始旦曉

諸神普喜 地祇鼓舞 光明雨灑 甘露良藥

充飽一切 滅憂惱患 海震如笑 樹木駢駢

淵池青蓮 如開目視 衆樹散華 以敬太子

衆鳥翔鳴 如雅頌音 諸天慕善 如華遇日

靚照十方 晃如金色 神祇懷喜 華非時敷

金銀梅檀 細末如塵 天意作華 晴無雲雨

普照 遍滿十方 明珠火焰 奄然不現

日所不照 幽隱冥處 霍然大明 耀三惡趣

聖智明達 教世光相 梵天神等 華中生

慈謙敬心 散天意華 掌蓮華色 兩手接擎

懷愛敬心 慈目熟視 以梵清音 歎其功德

躬自傾屈 頭面禮足 戴之頂上 日處須彌

號名百祠 手執金剛 以千慈眼 熟視無厭

天華白蓋 雜妙寶華 其明如月 上於太子

歎其功曰 勞苦彌劫 以大方便 發求佛道

願垂慈心 衆生可傷 唯爲普世 不請之師

北斗七星 亦加稱歎 現七覺意 消七勞垢

故行七步 如師子趨 足跡印現 喻如七星

其步忝然 不懷疑慢 地神傾屈 低仰接足

經 卷之三 三

以普明日	照於四方	現四諦法	如師子吼
吾齊以此	末後受形	不復處在	胞胎之獄
今當得佛	最難得道	將導一切	服甘露蜜
委靡軟草	雜色衆華	如天統綫	周遍布地
譬如天王	處清池淵	如金樹華	視甚微妙
諸五趣類	受苦惱者	皆得休息	身安快樂
衆結縛著	甚急牢固	爾時衆結	悉得解脫
爾時洪音	遍聞佛界	諸天鬼神	懷喜踊躍
速昇虛空	進見聖寶	諸天罽塞	充滿無間
大龍王子	如須彌山	目猶日月	動海出水

頭戴雲蓋	速疾尋至	細雨香水	敬浴太子
安祥天子	受天世人	大敬祠祀	能與其願
自化已身	現有四頭	乘牛執蓋	敬護菩薩
童男天子	首戴羽冠	威力巍巍	號孔雀幢
貫胃帶甲	執持武備	爲天軍師	將從大眾
擁護菩薩	一由延內	天王大力	名毗沙門
珍寶充盈	德有悉界	天二十八	神將軍俱
各與營從	器甲嚴整	與億鬼神	來護菩薩
又有天王	名尊自在	與無央數	巨億諸天
執持幢旛	而來雲集	以恭肅敬	禮菩薩足

閻王惡害 無能勝者 驅逐衆生 以一種法

擲棄所執 太山獄杖 以慈愍心 來禮菩薩

無數諸天 龍鬼神王 淨居天上 諸清淨天

叉手合掌 如未敷藕 賈敬曲躬 詠歎菩薩

金色天華 明真珠臺 青芙蓉華 紺琉璃莖

興成意華 若干妙色 末梅檀香 散下如雨

天女空中 眷屬俱來 鼓天妓樂 歌歎功勳

往古修行 衆億善本 果報成熟 潤及羣生

慶雲震樂 諸天散華 身放光明 晃晃昱昱

諸天吒歎 衆生歡喜 蒙佛神德 普嚴世界

金鳥諸龍 俱懷和協 天阿須倫 棄捨怨嫌

從白淨月 出清涼光 普爲世間 滅愛憎火

梵志占相品第五

當爾之時 衆善普會 殃患消滅 快樂無極

王因是喜 赦除天下 欣慶來集 如衆川流

如天帝釋 生子瞿夷 如安祥天 生子童男

如毗沙門 生子寶瓶 菩薩誕育 王亦歡喜

菩薩體顯 如天初生 乳母收養 如育嬰孩

請諸舊德 曉事母人 圍衛擁護 不離左右

光相明照 如梵中尊 諸母速疾 將詣天祀

欲令拜謁	諸天形像	天像皆起	屈伸低仰
諸有金石	水泥天像	叉手稽首	禮敬菩薩
諸母驚怖	心皆愕然	緣是瑞應	號天中天
未諦審知	太子神德	因此恐怖	速還歸宮
白淨王聞	驚怪怖戰	因召梵志	明占相者
應命尋至	王卽問曰	唯諸明師	瞻相吾子
懼因此子	犯觸天像	唯拔吾心	諸深狐疑
梵志喜顏	對曰天王	今應稱慶	不宜懷感
王族更新	當從今始	轉輪聖帝	應臨四方
案卦占察	右脇生者	必爲尊貴	聖達普智

臨衆王上	顯如須彌	爲衆山王	無能及者
衆寶之中	如意爲最	衆流之中	大海爲最
衆光之中	日月爲最	今是太子	衆聖中最
案占古典	有威儀王	因手而生	律王掌生
情思力王	從父腋出	王名往古	因父胼生
枝陀竭王	頂上生出	是等德強	皆轉輪王
今占光瑞	相應聖王	攝度天人	以聖慧力
名號普聞	周遍十方	如大聖王	號支陀竭
金輪白象	玉女紺馬	明珠聖臣	主兵七寶
遊天世間	從兵四品	當爲天人	開無爲路

當有千子	才力勇猛	當以正法	治世太平
若捨出家	進求道術	必當為佛	以惠勝世
仰案世間	衆聖明師	案卦所占	唯此二趣
王欣解頰	謂梵志曰	自宗祖來	聖王斷絕
父王亦無	轉輪王位	子何由能	自致聖王
王雖如是	梵志愕然	皆共同聲	舉手稱歎
猶如大龍	雷震之聲	於王殿上	大稱善慶
唯王莫疑	謂其不然	父子德異	宿行不同
唯在宿世	修立德行	請呈籍卦	王當照之
往古仙聖	賢才明達	次比四句	若醫藥方

往醫婁他	不能敏達	其子仙賢	明達踰父
往古聖王	後亦不繼	百轉之孫	乃復還紹
近聖亦復	眼齊江海	其先莫能	如其子者
如是異術	乃餘無數	往古先人	所不逮及
其後苗裔	秀出踰前	事任宿德	非由於人
前世所修	與今德合	雖今時非	德人居吉
瞻案籍卦	與瑞符合	必得於世	為轉輪王
王告諸大	衆梵志曰	今當為子	因德立字
梵志默然	心思斯須	謙遜昇聲	啓白大王
察今時運	太清和順	吉鳥翔鳴	瑞應至聲

地動庠序 節氣調適 風雨順時 世應太平
 衆火焰現 清徹無烟 諸天塞空 現形叉手
 雨衆雜傘 天樂竝作 王敎平均 國應豐熟
 大王國境 祥瑞普臻 當名太子 號曰吉財
 王意大悅 重賜梵志 金角乳牛 數百千頭
 王還喜悅 摩太子頭 以妙寶瓔 繫太子頸
 慈心叉手 歎其德曰 先臨聖王 然後出家
 阿夷決疑品第六

高山擎果池 快樂如天觀 衆山少及者
 故名阿夷岳 曩久居此山 年耆結旋髮

長暴露形體 壽高百有餘 體焦如黑雲
 髮如白銀敷 眼睛微赤黑 形如雜色山
 智慧如梵天 明如日月火 四火日第五
 自暴名阿夷 卒聞響響聲 鳥獸鳴如語
 其解鳥獸音 懷疑出廬窟 見天交錯飛
 於空中歡喜 因仰問天人 諸天何為喜
 有天名法樂 尋答阿夷曰 師為未聞耶
 世有奇吉祥 白淨王生子 當度世衆生
 卒必成佛道 為天世人師 聞佛之名號
 踊躍衣毛豎 卽上昇虛空 欲見釋童子

因所見瑞應 神通意審諦 彈指頃之間
便到王宮門 是上聖通士 明達禁戒備
王以愛敬意 速迎請入宮 讓之以上坐
謙恭辭慰勞 垂愍回接顧 屈來入鄙國
阿夷覺王意 愛敬盡禮儀 以慈目視王
執謙以敬謝 王宜應如是 愛貴以上禮
大王承法治 垂恩於國民 自先過諸王
種種大施與 於財寶貪使 戒智慧豐富
吾所由至此 宜懷歡喜聽 聞空中天語
王生子作佛 王忻所聞事 覺吉祥故來

法幢甚可愛 觀釋種族旗 王聞說是言
喜愕情惶忉 速呼太子來 與阿夷相見
在乳母抱上 光相昭然明 是太子德相
如天后抱子 阿夷不能忍 便前取太子
兩手抱愛視 如黑雲裹日 在阿夷抱上
菩薩明益輝 猶如黑山間 消金爐熾火
以慈心久視 眼中卽雨淚 太子體晃昱
如黑雲雨雹 王見阿夷泣 心懷甚怖慄
恐了將不祥 懷疑語阿夷 唯聖時見示
吾氣時欲絕 今見仁慈泣 是故心驚戰

得無是吾命	一旦忽然滅	先為我致慶
後將無遺感	劣乃得此子	久渴得升水
將無為吾怨	飜不令吾當	吾始生意念
得子至眼眠	子目遺後視	則吾不憂世
是吾族珍樹	生於寶宮池	將護誠告我
以愛已子情	面如盛滿月	阿夷煎視之
眼睫青紺光	舌如蓮華葉	頭髮紺青色
覆其高廣額	頰車如師子	諸領充平滿
師子肩長臂	掌輪于輻理	次視其相已
從頂至足相	師盡愛敬意	稽首禮太子

淚墮如雨下	懷慘惘啓王	其有充滿足
三十二妙相	必當成為佛	以善勝普世
諸天聞是語	於空中散華	同聲稱善善
王謂阿夷言	前師案卦占	定成轉輪王
金聖師視相	定之使成佛	王言猶投酥
火焰盛熾猛	益增阿夷口	更說決定言
如我觀察相	姿媚滅欲意	示眾生滅度
當以佛容貌	假令空中雨	金剛之大山
不動太子毛	何況餘艱難	普世眾力士
諸弊害鬼神	及阿須倫王	軍官屬營從

各執金剛杵 大如須彌山 來欲擊太子
山杵破散盡 太子不動移 當作是覺知
吾不以是感 當以懷歡慶 我自傷流泣
遇佛而空過 班宣慧照曜 奮于辭義光
佛因當顯明 我獨不見感 立在無爲空
滅如月清冷 世蒙涼除熱 我獨當焦然
佛常執金剛 慧杵碎塵勞 當有甘露藥
我獨不得嘗 佛如海馬王 濟度海流人
我獨退在後 姪鬼所裂噉 一切智池水
善意諸虫貝 通放慧江流 一切飲除渴

衆善爲根株 忍枝意止葉 覺意以爲華
成泥洹甘果 解脫衆生禪 戒香遍世間
佛樹當生長 我薄德不覩 愚癡門甚牢
恩愛關甚固 當以法鑰開 生死牢獄門
普世相燒然 以姪怒癡焰 當以法水滅
如雲雨野火 以悲心之角 定頓十方鋒
常施善法乳 天人飲無厭 普世之嬰羅
塵勞之重疾 以最勝法藥 當療衆生病
佛之大海淵 諸佛之寶渚 度生死賈客
以寶充其僥 芥子比須彌 牛跡水況海

佛本行經卷一
三
四

螢火喻日光 轉輪王方佛 勝通達梵天

喻覺慧帝釋 超淨相梵志 世傳古王典

古仙聖大師 學深厭祠祀 若聞佛聖化

疾捨本術廬 澡瓶杖簇髻 棄本諸威儀

尋捨貢高意 厭本所習禮 咄此老宮幪

令人無所及 吾已得五通 今事永不偶

今甫欲然耀 慧定照世間 吾今垂垂滅

如何不悲乎 卽呼弟子來 汝莫如吾誤

以徒託太子 阿夷辭遠退

入譽論品第七

是時釋王 德日夜增 寶倉國境 名稱智慧

金寶積聚 種種瓔珞 衆善來歸 如秋海淵

象馬車乘 猶天嚴駕 賢善調良 自然詣廐

甘蔗石蜜 酥乳水漿 粳糧穀米 氣味力增

殃患普除 怨敵屈附 舊親增敬 疫饑消亡

涼風和調 時雨細潤 空中晃昱 甚好嚴備

盡王境土 長益豐茂 衆善普集 不祥枯竭

以太子德 合成諸偶 以諸偶故 名稱普聞

諸根成就 相好可觀 猶月初生 十五日滿

諸王長者 普進貢獻 梅檀羊車 駕御金鹿

象牙金銀 雜寶合成 粟珍珠廁 象子馬駒
童子曳弄 戲笑娛樂 白銀馬子 珊瑚口吻
隨其年長 致獻貢御 金寶博奕 以供太子
年在幼少 爲事尊長 重踰須彌 忍辱過地
淵深於海 意博包空 時過孩童 初入壯美
世人所習 衆諸技術 太子學能 不加日勞
年滿十六 體力精進 文武兼備 藝過諸釋
王覩太子 德日殊異 兄弟中猛 如勇師子
王忽悟憶 阿夷所言 如何當令 捨是洪德
涉苦入山 精勤學道 心卽懷疑 召諸臣議

思計令子 不入山學 執謙尊教 如天帝臣
承帝詔命 思計設理 沉思斯須 執敬啓言
尋承命旨 子難卒留 海可過濟 日可失明
月可捨涼 子願難違 唯然天王 宜設方便
若設方便 爲事必剋 假令不剋 無遺恨情
事離方便 則難施立 聽承古仙 服水氣者
長勞困形 皮骨相連 重如太山 遭欲風吹
愛恚戰動 如風吹樹 嚴妙堂舍 色聲香味
華香嚴飾 狀如天女 第一上樂 迷醉女樂
五欲猶能 迷惑仙士 夫色聲香 味細滑觸

續文選卷一
詩
選四

諸心所喜 五情所貪 以欲堅牢 力强大綱

以繫子心 乃可無憂 王然此義 卽召美女

十五以上 容色妙者 六十四種 姿媚具備

尋致諸女 充太子宫 久學調靜 執慚愧戈

於媵女中 如月衆星 攝藏輝光 不甘五欲

口終不發 不遜之言 猶餓夫於樂 諸妓女懷慚

眼不起視色 如冥逃光走 父王聞是已 不安寢於牀

因更令境內 有相好樂者 其誰有妙女

必盡來應會 若有違限者 加之以重譴

設此嚴限已 益出衆瓔珞 恣之取瓔珞

入宮爲媵女 種種嚴修飾 諸遊觀園池

無數衆女集 皆受賦瓔珞 太子德如日

自無能當者 自執意校計 終無能染汗

執杖釋種女 姿貌如天女 心忍辱如地

面暉如月滿 古聖王苗裔 相應玉女實

德廣覆天下 除憂如天樂 持重有智慧

相好容貌充 名稱最第一 是故號降稱

手執波曇華 眼如紺蓮葉 兩手捧好華

歡喜詣其母 唯然見嚴飾 意欲入宮觀

經
隋文帝本紀
卷一
七

欲見釋太子 心自然戀慕 母卽告女曰
寧令受憊謫 終不聽汝往 願母必見聽
重啓父母已 卽聽隨其願 愛敬執謙恭
執辭父母已 將從顯然往 如水恒趣海
至於王宮中 到遙觀太子 過去五百世
曾爲太子妻 其所生之處 女中最第一
前世緣牽致 故熟視太子 顏容欣開敷
如日水蓮華 厥行步庠序 寂然無聲響
猶如衆江流 入海則寂定 衆中有一女
造二首歌頌 音韻甚和好 應時順事理

有女來甚妙 執持紺蓮華 憶往昔善行
故以相發悟 過世上名華 供養定光佛
執華甚殊好 猶如忉利天 菩薩忽然聞
定光佛之名 心中卽驚動 徐舉目遙視
卽發聲謂曰 進手中華來 以言衆所饒
如服甘露藥 應聲尋進華 以奉上菩薩
侍在菩薩左 如明星在月 太子視瓔珞
不宜其所服 卽解明珠瓔 擲以掛女頸
於是明珠瓔 嚴飾女形容 姝好無雙比
益發明珠光 猶如天帝釋 處於紫紺殿

亦如十五日 月與衆星俱 合宮盡歡喜

皆共同舉聲 稱曰真得妃 莫不同其歡

如是歌稱聲 斯須流聞王 王聞甚歡悅

重賜名寶珍

王卽令求 女父母來 賜與珍寶 不可稱計

召明梵志 卜擇良辰 塗香壇地 飾以衆華

以神咒酥 充飽火神 灌太子手 父母授女

爲太子妃 女中第一 在太子側 如日月星

本行經卷第一

捶主蔡切擊 挫才臥切 饗饗他刀切食財也 餚餚他刀切食食也

毳居六切 麕研奚切 躁則到切 傀傀苦猥切 傀傀苦猥切

也戲毛毳也 麕鹿子也 躁動也 傀魯猥切 傀魯猥切

也切箭也 筈古活切 箭勁羽也 筈徒紅切 潰胡對切 鴛鴛鴦切

也此云指鬘 錁連眉切 鞞鞞眉切 黼黼黻切 黻黼黻切

相次也 燼火餘也 塹七藍切 萎芭危切 黼黼黻切 黻黼黻切

楚禁切 輦雲俱切 髓枯官切 輻方六切 罽索色切 駟駟駟切

驅音火切 統統於阮切 統統於阮切 惛驚遠切 脛脛比切 脛脛比切

失志也 鑰關也 疫疫越逼切 慘慘七感切 嗚嗚交訪切 嗚嗚交訪切

經

佛本行經卷一

毛

達四

也 謫 側格切 罰也

桐城注 佛本行經一卷 計字八千三百六十 該銀三兩 天啓五年歲次孟秋吉日 徑山化城寺識

佛本行經卷第二

宋 涼州沙門釋寶雲譯

與眾嫖女遊居品第八

種種嚴飾	猶如天宮	春秋冬夏	四時各異
應節修治	遊觀園池	亦如天帝	施安樹林
太子因遊	至園池觀	嫖女圍遶	如月處星
於是眾女	晝夜作樂	嘲調戲笑	過數年已
或娛樂之	更造新術	或現已身	或時書頌
或圖廟畫	或有刻鏤	或有以泥	為若干像
或有結華	以為敷飾	或在面目	或有塗香

續
佛行錄卷三
遠

或以鏡照 或櫛梳頭 或黛黑眉 或丹口唇

或復有女 華相打擲 或戲笑者 或悲歎泣

或口詠歌 可聽可樂 猶如華中 衆蜜蜂鳴

衆女求浴 太子聽從 無憂樹間 丹華之池

圓光文飾 照樹金色 猶金在火 明耀林樹

諸樹傾屈 散供衆華 衆鳥相和 悲哀而鳴

女笑鳥鳴 震聲遠聞 五音俱作 感動人情

太子入池 水至其腰 諸女圍遶 明耀浴池

猶如明珠 遶寶山王 妙相顯赫 甚好巍巍

衆女水中 種種戲笑 或相湮沒 或水相灑

或有弄華 以華相擲 或入水底 良久乃出

或於水中 現其衆華 或復於水 但現其手

衆女池中 光耀衆華 令衆藕華 失其精光

或有攀緣 太子手臂 猶如雜華 纏著金柱

女糝塗香 水澆皆墮 梅檀木槿 水成香池

如是戲笑 難可計數 六萬姝女 圍遶其側

太子於中 如天帝釋 於天浴池 與天女俱

於是皆乘 金銀寶船 遊戲池中 如天乘雲

太子復乘 七寶之船 妃在其側 俱共入池

色身金照 光各一丈 如日乘船 莫不驚愕

經
佛行錄卷三
七

0123456789 10 123456789 10 123456789 10 123456789

謂是日出	衆華開張	明重光照	踰日天子
太子出池	諸女更嚴	作衆妓樂	行甘蔗漿
諸女飲已	跳跟舞戲	時日便冥	向月燭明
欲惑太子	意終不傾	欲使其貪	意終不著
慧燈甚明	終無能滅	猶明珠燈	不損飛蛾
斯須至冥	衆女睡眠	太子妃寐	夢覩憂變
太子出家	捨宮嫒女	逃入山澤	妃獨逐走
從後求哀	莫相捐弃	澡手見授	今棄付誰
惟今自察	無重過失	願微重榮	莫生相捨
獨入山澤	勤修衆德	何却於妾	致大酷惡

古賢出學	亦復好妃	惟垂愍傷	願聽侍從
追呼不息	太子入林	心意發狂	樹樹行求
號向樹曰	汝獨無憂	我獨懷惱	示我太子
仰見樹上	有赤背鳥	向鳥歎苦	我失所怙
汝聲似之	留聲與汝	願以鳴聲	除我心惱
又見樹曰	汝何不慈	吾厄失怙	迷行犯觸
賢夫所棄	宜見愍傷	如何見笑	華盡開敷
見雙頭鶴	相將俱飛	益增憂苦	流泣且言
惟願示我	懷重嫌者	令我覩之	失之我亡
樹華散我	更撓我心	惟汝仁鳥	莫嫉快我

當散我心 好喜妓樂 未曾相犯 何爲必爾
爲風所動 樹枝傾曲 猶如以掌 擊打於我
鳥獸角視 爾所遣夫 水聲如罵 我不任治
太子不還 便悲歎曰 留目紺蓮 留起與應
留笑華敷 留頰金華 留髮辟兵 我見遺忽
口言未止 忽見太子 於林樹間 便前搏曰
何爲相棄 語頃驚覺 抱持太子 慚懼戰疚
太子問曰 何爲如是 便說夢事 太子報曰
此非爲汝 吾無所去 誰往誰返 無有住者
亦無所至 汝諦覺是 色如聚沫 覺意如泡

想如光焰 行如芭蕉 識法如幻 諸根無力
形體相因 猶如華合 覺世無常 譬如野馬
吾我無有 亦無堅要 合會有離 汝當諦覺
太子自念 是吾出應

現憂懼品第九

王愍太子愁 勸令行遊觀 始出宮城門
霍如日出雲 駕乘七寶車 衆德相自嚴
所將從貴重 如月與衆星 功德充滿備
形容甚殊妙 都勅國邑里 并除老病死
窮凍困厄者 莫令現道側 各使盡力嚴

若干幢旛蓋 樓閣諸婦女 猶如天宮城
嚴飾甚靡麗 莫不懷歡慶 萬民皆歌詠
聲響震一國 猶秋水歸海 爭競欲觀見
莊嚴易服飾 未竟便起走 或未及莊嚴
聞聲便馳往 於衆閣欄楯 罌塞不相容
或投身自懸 猶如衆華垂 或有傾屈禮
各懷敬歎曰 當爲世導師 散衆華香嬰
見以皆驚觀 展轉相謂言 此當爲何神
或云從天降 或云是天帝 魔王或梵天
懷疑歡踊躍 歌歎若干種 諸天見太子

容飾導從出 猶如天帝釋 出遊觀之時
於是淨居天 欲興降瑞應 如前佛現瑞
勸意出家覺 天卒化病人 瑞臥在道側
色惡眼睛黃 體氣口焦乾 身腫爛臃脹
惡露諸不淨 宛轉而自塗 菩薩舉目見
問是爲何物 醜惡難可視 御者尋對曰
食飲不時節 四大錯不順 是名爲病人
菩薩報之曰 視何不分減 御者復對曰
是不可分代 觀世無能免 疾病之危厄
四百四種病 大患如世間 尊亦未免離

處大變難患 太子卽停駕 慘然懷憂歎

聞病心驚痛 如象被毒箭 見病觸其情

尋勅御車迴 心懼懷悚然 如牛畏雷震

聞雷聲怖愕 驚據體不安 後時復更出

天化作老人 頭如絲雪霧 皮緩肌體皺

戰如水中枝 身僕如張弓 太子見卽問

是名爲何人 生便如是耶 爲有變者乎

御者因對曰 始從身受胎 微起如泡沫

緣起五體見 分合成六情 然後乃出生

小飲母乳活 次長乃食穀 轉緣地而行

初語如鸚鵡 爾乃立行走 體貌形容成

諸根轉成熟 以故名困老 是名天使召

顯教寤衆生 形衰失歡慘 如華被毒霜

面如月遭蝕 心猶日雲霧 壯進力枯竭

如夏沙滲水 竊人志思才 無形來如賊

心惱失聽識 猶野火燒澤 迫迫如壓油

飲其體精氣 壞變令形異 是者名爲老

太子視良久 悵然而長歎 老病大石山

強磨碎衆生 世普遭苦患 何可暢意安

當設方便逃 如避強害寇 後復出遊見

天化命過人 宗親隨喪車 被髮而啼哭
問曰是何等 以至誠示吾 爾時諸侍御
便爲具足說 日迫至枯老 痛流精汁竭
八節之利鋸 剗刻壽命樹 日月之斧利
晝夜恒斫斷 會遇無常風 隨靡崩顛墮
與父母離別 隨行獨迷走 妻子及兄弟
無親可恃怙 莫能設方便 圍遠而哭泣
追慕哀摧傷 歎其生時德 吾亦當爾乎
都亡尊莫疑 我亦離親耶 爾尊必當別
普世死所執 如何暢笑語 不知慚愧故

更歷無數死 晝夜之長塗 日月運不停
老死病甚毒 憂惱之牙齒 四時舌所舐
宿行速危險 一切莫能免 死猶龍所吞
普入盡傷折 都崩盡斷壞 悉奪其所願
盡吞盡燒沒 盡驅盡挫摧 莫有能禁遮
尊當覺是死 聞已懷懼曰 處世之笑者
金石爲笑耶 太子懷憂行 憶死如湯灼
猶如猛師子 處林遭野火 思欲得免離
老病死熾焰 順道念不忘 方便欲求出
天化作梵志 現形暴露焦 簇髮鬚眉長

被麤鹿皮衣 手持澡瓶水 又執三岐杖
菩薩因問曰 仁修術願何 尋聲應太子
唯聽我所願 無病老死患 是處名天上
今於此下種 生天廣大華 願求安快樂
萌芽天上生 太子歎吒曰 斯士見計明
告語天離患 是亦吾所樂 心惟懷一疑
爲永恒常不 若必常安樂 可願生天耳
天於上稱善 歎太子心淨 天上雖快樂
率必當墮落 食福衆善快 終無永長存
福盡卽退墮 三塗受苦分 日有千光焰

福盡墮闇冥 月滿盛照曜 月天墮失明
梵釋無數天 雖失天榮位 還爲可傷物
乞匄餓鬼形 昔爲寶頂佛 然燈五七日
始發意求佛 誓願甚堅固 卽時魔心戰
猶如芭蕉樹 亦令魔宮殿 震動不得安
爲三界所敬 今者不宜忘 於無央數佛
修若干勞勤 昔爲施安佛 起七寶大塔
猶如須彌山 峙立於地上 上錠光七華
受荊當爲佛 金華散普佛 終日願大乘
又爲起廟寺 事蓮華上佛 及餘無數佛

衆寶香華施 以天華供養 無數能仁佛
又供現義佛 華香畢已壽 歌歎方面佛
乃至于七日 供養無量佛 盡已之形壽
復施頂王佛 七寶各衣服 布施無漏佛
求欲作沙門 又於理光佛 入道持淨法
復於無限佛 剃頭作沙門 於數千諸佛
執勤勞謙敬 有身餒餓虎 以妻息施與
捨眼身肌肉 手足心不亂 如是不可計
頭施有千數 當施與之時 雷震三千界
如是言說頃 現世得無量 後者悲歎慕

展轉相憐傷 下現八地獄 各十六營屬
忽有大聲出 普世皆當死 從此轉進行
釋種女名鹿 見太子如天 發大聲言曰
是父不懷憂 爲母大安樂 其夫如此者
婦如逮無爲 如從天雲雷 聲入太子耳
始聞無爲音 猶疲勞得息 諸情以充足
意中如逮得 以已盛寶璽 遙擲掛女頸
以聞無爲喜 不以邪欲與 歡心向無爲
忽見化沙門 威儀戒寂靜 法服手持鉢
太子告御者 回車往行就 太子問沙門

尋聲而應之 六情無諸漏 捨家轉離患
山巖空閑樹 止宿獨靜處 乞匄自存活
太子願學此 我名曰沙門 欲求解脫故
愛憎意俱除 諸情調心定 無著捨吾我
衆事一切棄 乘自守車輿 手執智慧弓
廣設諸方便 欲壞滅魔兵 願無火無地
無水無風雲 無日月星辰 無雲空疾患
無老死憂苦 亦無別離惱 甘露永乖滅
吾願求是處 說是言適竟 忽滅太子前
太子安庠行 光影照耀地 還至遊觀園

心寂滅定安 意思若干種 衆善之方便
閻浮提樹蔭品第十

菩薩於是時 心懷慘然還 過到遊觀園
德曜猶天帝 諸仙聖之王 不以女色惑
或見農田夫 典功耕犁作 踐截蠕動蟲
卽起悲痛心 如親傷赤子 慨然而長歎
去其樹不遠 伏藏忽出現 辟方一由旬
七寶克盈滿 將從喜踊躍 取金書寶器
銘題古王號 某器某王造 太子省銘題
過去轉輪王 八萬四千代 展轉相承習

視其七寶積 如見毒蛇虺 回顧華光顏
傾屈敬先代 泣出紺色睫 雨於華容顏
卽舉普慈目 仰瞻視空中 發情哀梵音
勅其左右曰 往古諸釋尊 雄猛世憍慢
捨國名天位 空獨至何方 賦役勞四域
積聚無央數 土地國寶藏 故字其主無
心思計無常 趣閻浮樹下 卽舉金光睇
置金色脍上 坐思堅無動 聚意專一定
觀起滅合散 逮得一定住 如江河沙數
諸佛不共意 九惱江流濁 以珠能使清

於一切衆生 慈心彈指頃 福無限無量
慈加衆生故 復起慈愍心 欲安衆苦患
諦察見一切 平等逮一禪 棄諸欲惡法
尋得歡喜解 乃至第四禪 及無量清淨
日時轉向夕 諸樹蔭移徙 唯閻浮樹影
如蓋覆太子 猶人識恩養 宿行報不捨
蔭不離太子 如報不捨對 釋種王聞之
騰至如師子 見子處樹下 猶如雲中日
情喜懷踊躍 愕然不自勝 慈目垂泣視
禮足悲聲歎 以無量敬意 如是今再禮

願國土有德 莫生捨棄去 普懷喜踊躍
猶如僥天福 幸莫棄愚迷 失僥墜罪冥
子是世間德 顯古先人號 一切所恃賴
諸釋中之雄 是吾之身命 諸女之欲天
衆生之梵天 普令之自在 莫奪吾等命
猶如強敵王 王愛子不覺 悲慘且還宮
王去後不久 太子從禪覺 聞空中有聲
三天於上問 天人之導師 願聽我等言
願尊可時出 從無央數劫 名色二支分
周徧於五道 根萌至於有 甚大而堅固

今以智慧犁 反生死樹源 愛深廣淵池
亂想如魚遊 回覆迷牽著 嫉恚駛流波
第二天所啓 以清淨敬意 可乘進浮船
度塵勞海岸 第三天啓言 種山僑慢巖
邪見之深坑 嫉恚之絕崖 病死之川谷
傾邪屈而曲 以慧金剛杵 壞碎衆苦山
聞已從座起 晃耀如金山 雄步臂臚平
聲如雲雷音 目如紺蓮葉 面容如月城
厭家樂無爲 意但思欲出 如師子被箭
傷心還入宮 行詣父王宮 白淨之殿前

跪叉手白啓
惟願聽所陳
欲得捨家出
述修古聖業
合會必有離
誰能依久存
王聞其所啓
心如動水月
感咽不能言
良久乃發聲
惟莫懷此意
非是卿出時
年始幼美盛
不宜居山澤
今正是吾時
捨位入法津
以卿有德子
幸願踐榮位
地祇懷希望
求轉輪聖王
釋種因卿顯
汝不宜禪位
因以深重聲
而報父王曰
願尊以四事
爲己之保任
使病不侵強
老不奪盛壯
死是普世患
令莫竊壽命

成事不壞敗
如是爲四事
若必能保任
便可無憂住
不行諸山澤
泰然治國民
王曰此四事
無能保任者
卿應食國位
無有不順理
居位可修法
致得無爲道
七寶爲首冠
寶服光耀體
衆好自榮恣
如欲界天子
皆居臨王位
自致得解脫
有王名力勝
有王名不迷
有王名識知
有王名武力
此等居王位
逮得解脫滅
如是但居國
兩得無所失
於意得自在
及乃國土地
無能妨廢者
必當速成辦

吾願以五服 容飾駕授卿 沐卿寶蓋下
吾乃居山澤 太子執謙敬 而報父王曰
若不可保任 願莫見固遮 雖是真金舍
失火當避走 智者不宜遮 逃災避火者
當覺真金舍 及與自在俱 雖快三火熾
不當捨逃乎 又有清浴池 芙蓉甚克滿
中有裸縮蟲 不可捨棄耶 手執持老弓
甚強諄調利 射以病苦箭 發著終不失
墮宿對之圍 閻王常所獵 何愚當立待
可來快射我 若有人畏空 方方逃避走

所到見虛空 怖不知所趣 如是於五趣
無常普周徧 欲至無畏方 是不宜固遮
於時釋尊王 嘿然不加報 手自牽子手
曉喻欲令起 卽勅諸傍臣 增效樂牢守
於時聖太子 入宮自消息

出家品第十一

太子於是時 心懷甚憔悴 又更諮父王
盡意勤求出 尊若見憐愍 願觀世擾動
合會莫不離 難得保久長 惟願見聽放
至仙人山澤 於彼修淨行 開現解脫路

更無有餘願 過踰出上者 若審見愛慙
願必見聽放 於時白淨王 以蓮華色手
牽太子手已 悲聲而告之 垂泣而熟視
良久乃長歎 然後發聲言 辛酸苦痛辭
惟子可放捨 莫復懷此心 今未應是汝
山澤自守時 心尋受榮樂 未曾涉苦勤
爲衆欲所劫 猶如無御車 如今正是吾
山澤自守時 應以王榮位 次欲委授卿
香湯灌沐浴 以寶冠駕授 我懷喜不憂
入山澤無慮 願見汝沐浴 初踐於王位

駕授觀視汝 慰吾久僥意 寫恩愛所生
又積之涕泣 淚盈目入澤 以塞先人責
太子聞王令如是 卽啓王以清深辭
已審覺王垂愛慙 余亦孝敬重愛尊
若欲逃出失火宅 有親愛遮不令出
以親愛故俱被燒 有何善好願思之
今欲逃避無常火 智者不宜遮令燒
但欲求免不俱燒 願見聽許入山澤
誰不欲與親屬俱 若永已聚不離散
與諸親厚所愛染 死力不强離別者

是故釋王願怨亮 非爲無有戀慕心
以不自在屬無常 是故決意求泥洹
前世所有諸親愛 我在何許彼何至
我今以何益彼等 宿對風吹如雲散
王勅云非卿去時 若死來時可却者
曼火未盛有所燒 當與逆滅莫出後
尊以王位盡委授 彼無恃怙無歸救
猶負大石度深水 是故不宜受王位
王聞太子言 辭理甚正直 子言不可答
無理可固遮 卽令勅諸臣 竊守太子宮

增益其妓樂 莫令子愁慘

已後不久	日向欲夕	於是入宮	如月入雲
坐觀妓樂	如象被閉	患厭妓樂	小却偃息
雖小偃息	於事覺寤	寤寐尋起	衆姝女眠
瓔珞迸散	失棄樂器	衣裳發露	種種若干
涎涕流出	塗汗咽胸	偃伏張口	難可觀視
或有女人	抱樂器眠	或更相枕	或獨跌伏
或有女人	直立而眠	髻解垂髮	如孔雀毛
或有女人	仰視而眠	猶如司曆	仰瞻星宿
見如是已	甚懷不悅	諦觀諸女	熟自思惟

慨然長歎 震動胸中 想處宮中 如丘墓間
諸女盛美 姿容妙好 太子憂懼 如象遭火
諸女姿好 眠賊所盜 忘失志思 樂器交錯
諸女性弱 常懷慚愧 爲眠昏象 而見蹋踐
如妙華樹 枝葉繁茂 卒遇餓象 拔破碎散
生死危害 甚輕躁擾 險薄欺僞 無親舊故
此現生存 形體如是 或於是身 不知慚愧
忽然墮地 亡失姿好 睡眠之困 堅硬其目
睡眠加之 形體難視 若當死亡 其形何似
是本支體 是本諸根 眠蓋所覆 乃致斯變

猶失機關 不可復還 失姿則臥 若草土塊
久遠已來 癡力甚強 覆蔽耳目 令聾盲冥
身之汙穢 顯露可見 覆以薄皮 莫能覺知
一切普世 甚遭困厄 無所恃怙 如輪迅轉
緣塵勞垢 所沉湮沒 猶如大象 沉深淵池
今吾不宜 牽連於此 塵勞之網 以自結縛
是故惡此 五欲愛垢 捨屋渾柱 獨入山靜
爲宿善本 催逼發寤 太子決意 欲出生死
吾出家時 今已會至 不宜久處 生死大畏
是故今日 當入山澤 惟覺生死 熱時焰光

吾目觀察	有能堪任	四大未分	當早逃走
諸天人覺	太子心清	時淨居天	尋時來下
厭諸侍衛	純昏眠寐	卽時普開	宮城諸門
若當如常	每開門時	其聲響徹	聞一由延
天開諸門	令寂無聲	天歎太子	種種功德
諸天踊躍	歡喜充懷	爲太子顯	種種祥瑞
天散華香	連續不斷	妓樂歌詠	震動虛空
見吉祥瑞	諸天勸助	心甚歡喜	因作是想
人戀宗親	不能捨離	犛牛愛尾	爲水所燒
卽從座起	意計決定	於妹女華	寶宮浴池

猶如鴈王	棄華淵池	太子亦爾	無所戀著
是吾最後	與女人俱	是吾末後	止宿居家
虛空尙可	破爲百分	吾終不著	愛欲還此
卽時出宮	如師子王	壞裂堅網	獨行遊步
裂家牢網	亦復如是	是以方便	覺起車匿
以柔輓聲	告語車匿	速取良馬	捷陟使來
諸天迷惑	車匿心意	卽致白馬	猶如馬王
鞞駕鞞勒	皆令嚴備	喻如白鶴	與雲電俱
於是太子	手摩馬頭	以柔輓辭	曉喻白馬
吾有大願	委累於汝	生長共俱	如賢善友

經 一 再本行經卷三 六

佛本行經卷三 七

必爲快善 令吾無礙 欲突牢陣 度至彼岸
是汝最後 所應奉事 今夜是汝 最後負重
吾後不復 勞動捷步 是我最後 乘濟此斷
太子說已 便前上馬 如日初出 現于山崗
在白馬上 威德巍巍 猶秋時月 乘白雲中
四種鬼神 欲令速疾 接舉馬足 甚使精良
四王躬自 在前而導 諸天從出 明如晝日
天龍鬼神 及諸仙聖 同聲歎曰 願行無礙
所以捨棄 四方天下 及親寶宮 疾得其願
太子卽出 宮城之外 震動顯赫 展暢言說

須彌山王 今尙可散 口氣吹之 或可崩墮
吾若不能 成佛聖道 終不還入 赤澤之城
猶如疾風 吹遣浮雲 斯須之頃 出釋國界
如發意頃 尋時卽至 猶日到于 西山之岳
卽便下馬 入山澤中 心懷歡喜 辦已大事

車匿品第十二

菩薩以普慈 目睫紺青色 眼雨淚且言
盡心曉車匿 金鞞明珠櫺 拔劔如抽虺
自以剃其頭 天敬接髮去
解寶瓔珞付車匿 遙跪敬意囑及曰

以此寶珠拜上王

執慈意啓惟莫憂

畏死懷懼甚苦劇

乃令父知失所僥

未還膝下之報養

乃令慈母宿天上

未致父子

慈孝恩養

畏死別痛

入山滅意

覺生死惡

事甚衆多

我性本調

強變令疎

如父慈愛

以加於我

我亦慈敬

尊重於父

今卿車匿

且達此義

何煩慙慙

廣及屬啓

閑緩豐饒

快樂之時

親朋良友

甚易可得

遭患遇厄

良友難值

能以快善

濟人厄者

或有僕使

不蒙恩愛

衆勞事役

不悉堪能

如卿車匿

受恩堪能

遭惡有卿

亦難可遇

凡人居於

快樂中時

疎遠外人

來歸爲友

人遭困險

苦厄中時

骨肉親厚

叛爲他人

此吾曩先

諸釋種族

馳聲四遠

家私風俗

是我先人

所遊山澤

諸釋亦復

不宜嗤我

以財施者

甚移衆多

莫有能以

善法廣施

能以善法

廣施與者

無央數劫

甚難遭值

如卿車匿

今還歸家

宜向父王

陳吾缺斷

世人由王

損除愛著

愛著已除

則無憂戀

吾見苦世

皆沉沒在

憂惱苦患

大海深淵

所以捨家 欲除老病 不宜相惱 增益憂患

人生墮地 常追逐人 老病死患 甚弊惡害

誰能開心 信不畏是 拔刀惡賊 追人走者

若不自勸 開意遠離 家屬親族 恩愛染著

以當強遭 別離之患 死對不避 賢愚貴賤

親族恩愛會 必當強別離 奚不早求度

不令強死別 王若懷此想 子非時入山

行善莫待時 命如燭遇風 騰情於父王

遙跪叉手啓 世間遭劇苦 莫念脫苦者

吾已勝老病 逮得最榮樂 天帝受五欲

不及我受樂 所以離親族 後圖獲大利

欲令一切生 永滅憎愛離 卿知吾素慈

父王愛重我 車匿方便啓 諫王令釋憂

車匿聞教勅 愕然懷悲苦 悚息戰慄闕

心如被毒箭 雨淚如連珠 長跪啼且言

如何轉輪族 今殄滅於尊 尊口恒習言

與是復與是 今反行乞求 如何不恥世

生性柔體婉 今反率被惡 本猶芙蓉華

今出火相燒 尊今惟是速 出心之奇惡

毒虺奉入舍 尋當擲棄去 今不審王意

念尊心摧傷 不憶緣尊惱 猶晝更遭冥
不謂當有是 妙德柔輓子 望應節雨澤
反兩火釋族 如是大慈父 以善養育尊
忽養捨父王 如行欺失善 姨養猶如母
繫育如親生 願尊莫忽忘 如識返復士
如是諸親族 友昆弟鄉邑 願莫捨是會
如慳人恪財 尊與城別後 國人狂懷憂
如龍遇金鳥 舉國動如是 尊生時普國
吉祥如天上 今捨入山澤 墜苦如墮獄
初施德於國 猶冬日陽和 後施憂惱熱

如夏亢焦然 咄哉苦無德 審爲天所迷
致馬來與尊 致憂惱一國 施目淚於民
心憂口祝禱 王以下男女 覆以憂霧雲
先師訓禮義 當普慈衆生 惱二親種族
自守有何道 象馬千祠祀 若慈愍衆生
假稱量二德 慈福萬億重 今王求寶子
垂老憂體重 狂行失志思 如野象失子
涕泣目眩赤 失寐顏容變 王今歎呼吟
猶山鳥失子 吾當用活爲 失豐德神子
從子遭惱報 王當云如是 尊而胄蓋陰

何忍日暴露 在宮寢寐時 寶帳統綆褥
寶枕文繡被 五音以寢寐 今布草枕臂
鳥鳴如何眠 若人聞此問 縱令金剛心
他聞心當裂 況親族知識 卿莫放吾志
奉我有大勞 今還馬捷陟 吾以居山澤
馬聞太子語 目卽雨熱淚 踞地暢悲鳴
便跪舌舐足 以百福相手 太子摩馬頭
猶如曉良友 吾當識汝勤 車匿啓太子
已割意捨國 願莫見遣還 離尊用活爲
戀尊心焦然 何忍能還舍 捨尊曠野路

云何獨堪詣 卿但將馬去 可來還見吾
事成當還國 不成願形枯 車匿啼且還
順道而牽馬 顧視而無厭 踢地強還歸
太子捨家出 願逮不動處 欲令一切生
皆逮得是處

瓶沙王問事品第十三

於是車匿 將馬去後 寂然滅意 詳雄猛步
如師子王 裂壞衆網 專心一向 樂居山澤
形體巍巍 月明普現 衆林樹間 如日入空
雖獨遊行 德如大衆 衆善內著 外緣始發

經 佛行經卷二 三 達

行且自思惟 不宜著姝服 忽見釋化作
獵師被袈裟 太子因語曰 此服非汝宜
取吾金姝衣 卿袈裟與我 獵師尋便與
木蘭真袈裟 受衣還釋形 忽然昇虛逝
太子被袈裟 體宜則鮮明 猶如盛秋月
紫雲所纏繞 林藪有梵志 隱居學神仙
見太子往至 皆懷愕然心 熟視觀太子
不能還其繒 懷疑良久頃 乃還相謂曰
得無是北斗 七星第八者 或云乘馬宿
下行視世間 或云觀其形 將是德神願

或名曰天子 或言月天降 於其中有一
智達梵志曰 將無是梵天 自下至此林
以卿梵志等 守行純熟故 喜欲充吾僥
故行至此林 以如是言論 同聲相謂已
梵志體重者 忽然即輕便 菩薩問梵志
各修何道術 無有可採者 有一梵志曰
善哉汝德妙 意快甚深奧 年壯盛幼美
覺生死欲穢 惟當審諦察 生天泥洹道
樂取滅度者 是可謂爲人 若心於決定
樂趣無爲者 速疾可往詣 中清淨山林

於彼有仙士 名曰無不達 彼得審諦眼
觀見泥洹元 如我今觀察 仁意之審諦
彼之所修學 豈能合仁意 其面如滿月
舌如華葉者 必當普飲盡 智慧之淵海
視菩薩行步 如月天子降 於是諸梵志
皆歎未曾有 心皆懷踊躍 如淵海潮波
情中欣欣喜 猶冥蒙月光 太子見是等
所學各若干 種種暴露形 心傷悵然歎
何一惡之甚 愚癡所迷惑 世間可憐傷
迷行強入苦 心思無吾我 猶如大象王

悚然懷恐懼 出離盛火林 金色之光明
晃照林樹邊 猶如秋節日 歷青雲而去
見恒運衆流 至於海水王 以羣鴈白鶴
爲白珠嬰珞 用勢洪流波 以當寶環釧
來至恒水側 猶如海神王 以百福德相
普莊嚴其身 入於恒水中 衆流皆澄清
一切水中神 從下迎接之 斯須尋歷過
猶如羣鴈王 時度恒水已 知宜行應節
除去貢高意 入王舍分衛 被服沙門衣
水蘭色袈裟 寂定攝諸根 行步應威儀

見太子體相 功德耀巍巍 所服寂滅衣
色應清淨行 人民皆愕然 擾動懷歡喜
孰觀菩薩形 眼睛如繫著 聚觀是菩薩
其心無厭極 宿世功德備 衆相悉具足
猶如妙芙蓉 雜色千種藕 衆人往自觀
如蜂集蓮華 厥所由至趣 衆人悉隨從
譬如人諸根 隨心走周旋 因展轉相謂
歎美其功德 觀此言視火 人中之妙寶
諦視其眼目 面之妙姿容 譬如聚粟金
中有帝紺寶 光明所纏繞 德相積聚成

姿貌甚和合 衆好悉具足 矜一切人意
眼睛俱相隨 數數熟諦視 而無有厭足
猶如遇暴雪 寒凍甚猛切 衆人爭競前
猶如得火煬 諸貴姓女人 各馳出其舍
猶如盛雲中 晃晃出電光 譬如無憂樹
枝葉華繁茂 風之所吹屈 傾曲禮菩薩
抱上嬰孩兒 口皆放母乳 熟視觀菩薩
忘不還求乳 舉城中人民 皆共競歡譽
各各言是好 是妙是好相 時有一人言
若牽有人言 如嘗石蜜餅 是美是不美

經

佛太子經卷一

五

蓮五

如彼之形貌 若偏歎一事 不可偏說一
衆德善積聚 審諦之表識 衆善盡顯露
以嚴飾其身 充滿人心目 衆華飾其容
輒香感人情 猶如陽春節 顯然而晃昱
夫宿行之報 如何無慈心 以是天形足
不爲普地主 識能識知是 行從他人乞
誰能施是人 計無有稱者 爾時其國王
厥號爲瓶沙 時處高觀上 遙見太子行
卽問左右曰 彼行者是誰 容貌甚鮮明
而服縵色衣 傍臣卽啓王 廣陳其種姓

王勅傍臣曰 蔡其行所趣 於城外食訖
上槃塔名山 光影照然明 如日臨山崗
於時王瓶沙 單與將從俱 往至槃塔山
服飾形容殊 侍從執寶蓋 庠雅師子步
王至下寶車 步步而登山 見太子獨坐
諸根寂然滅 譬如盛滿月 燿然處雲上
如諸法色像 忽然而化現 意甚懷愕然
顧謂傍臣曰 其有是形貌 姿容可愛喜
今是必可保 能成大善德 今觀其衆善
婉轉而柔弱 略視其要相 惟佛應有是

除去僞慢意 執謙而爲禮 王因其時宜
而問訊菩薩 王以清淨意 前坐青石上
卽便啓菩薩 因是說偈言 太子諸先族
出於日天子 年時在壯幼 形容甚照曜
不審其緣故 乃興發此意 乞匄以自濟
不甘世王位 姿媚甚照照 已積善快然
猶如閻浮樹 衆華茂盛好 服著此袈裟
喻如以草裹 猶樹華畏雪 不敢顯其輝
太子宜服著 天上之名寶 今此緞色衣
殊不與相宜 若有潔淨物 有微穢可呵

顯露而悉現 無方可以除 臂臄甚長好
猶如紫金柱 宜飾以七寶 應執持妙弓
如是之手臂 但自以惠施 不宜以是手
從人而乞取 若其執謙敬 不肯襲父位
今我盡愛敬 相請臨鄙國 盡所有榮祿
享此摩竭國 若欲普地土 鄙當躬相佐
如人之德相 并應攝天世 但以手執持
天世豈足勞 如今天帝釋 起中爲人臣
何況此地土 如吾等諸王 我不厭善法
亦不患守義 非時捨家出 惟此疑我情

初如少壯年 已過志衰弱 諸根以調良
易回如馬勒 施惠戒自守 衆行之面目
發於先世行 逮遇前善本 頃年轉長大
爾乃可奉法 年高意便調 不隨逐諸欲
以是故不可 困極其形體 今所逮福慶
順理可享食 六情之可欲 如應決充益
然後乃出求 甘露解脫法 安容之光明
超踰日之精 仁德以過出 世人諸天人
自古未曾聞 亦所不曾見 如是之形貌
覩者皆愕然 如今見太子 舉動之風姿

又察其志本 甚獨銳堅強 猶如深淵底
羣魚於中遊 於上雖不現 察外動可知
今見諸楷式 在體而臆朋 決定照然明
指示聖王住 如是之妙善 不加薄德人
吉祥善名號 不歸不肖子 假令心懷疑
還恥於門族 已服沙門形 如何當還捨
古世諸帝代 天王未已來 壯年欲國位
垂老皆捨家 瓶沙說是事 廣牽引比故
又有餘辛酸 寫體謙敬辭 視觀菩薩意
不動如太山 執慈而嘿視 靜心聽報誨

佛本行經卷第二

音釋

嘲陟交切言相調也櫛側瑟切梳也黛度耐切畫墨也權音密痂尤凡切搔也

僂兩舉切曲也鋸居銜切刀劓力齊切割也餒烏胃切似也蠕汝麥切

動許鬼切臄時軟切臄也臄昌中切臄也縮音密犛莫交切

捷捷渠馬切鞞見意切鞞音安馬鞞牛各切

也櫛柄也嗤抽知切舐甚爾切縵音官切燿音霍

隱朋隱音隱朋直引切

桐城浮渡居士吳用先施黃刻此佛本行經卷二計字九千七百七十箇該銀四兩一錢

天啓五年乙丑歲次孟夏吉日徑山化城寺識

佛本行經卷第三

宋涼州沙門釋寶雲譯

爲瓶沙王說法品第十四

意如重慶雲 欲時降甘露 以深奧流聲

清淨梵天音 又復以八種 柔輭和調響

以妙辭之辯 降潤瓶沙王 具照知王意

正直且清淨 慈愛恭敬意 充盈於心懷

今王雖興於 衰末濁亂世 以善自將御

乃踰上世王 見王諸淨意 內意清淨徹

猶如晝陰霧 華開知日出

雖施恩於愚人

恩德終不居之

施少善於賢人

其恩好日日厚

今視王甚奇特

不迷惑於王位

僑自恣所覆蓋

土地主皆迷惑

智慧人若得財

以不要財為要

身不要如焰華

慧者從身取要

衆生昇天

其得大利

諸土地主

以正治法

正法之王

順理而治

一切人民

皆從其正

若有財寶

先審取要

若復別離

後無恨心

猶如從酪

以取酥去

漿若翻棄

亦無恨心

以相迎接

用上賓禮

開恩厚意

以善友義

今我當以

友恩相報

意欲相諫

開意善聽

一切衆生

命如朝露

我今一切

都就後世

猶如盛火

得酥益熾

及燒草木

終無厭足

心之憎愛

由愚癡出

皆服迷惑

狂醉膏藥

老耄之病

死云之火

強燒五道

沉無漏脫

我今已覺

盛火之力

今欲方便

免此大患

是故捨離

親族知識

愛欲如毒

云何不捨

吾已不畏

是諸毒虺

雹及火熾

疾暴惡風

亦復不畏

拔刀處賊

但畏恩愛

數數生死

迷於欲者 未曾厭足 諸天亦爾 況世間人

一切世間 欲求無厭 如火所燒 亦復厭極

普得土地 齊海以內 又貪求度 欲得彼岸

一切求索 無有厭足 猶如衆流 歸于大海

兩寶七日 乃至于膝 勝伏四方 上至天上

天上壽命 長七劫半 頂生聖王 欲無厭足

更有聖王 食天福祿 時天帝退 畏阿須倫

憍慢遂盛 仙人擔輦 邪住無厭 從天退墮

有滿唯王 往至天上 得天姝女 形專將來

有犯神仙 金寶精舍 懷貪滅亡 尋化成灰

有重擔王 將兵上天 復從天上 將天女還

緣是天女 自致死亡 如是衆生 無厭而沒

名聞弊惡 弓強箭駛 捨棄王位 入林學仙

心所不應 其身行之 殺害他人 身亦滅亡

有女名賢 諸王競諍 典師率衆 對陣而戰

以愛欲故 興怨致諍 當捨愛欲 如棄怨敵

諸王種族 挾嫌嫉害 殺諸利利 二百一十

往古烈士 懷恚爲害 宜捨惡心 如虺脫皮

言鴈言鶴 緣是致諍 因相殺傷 乃至億數

愚癡故闔 始起於微 宜捨愚癡 棄自冥病

經

佛名卷三

三

三九

往古二王	鬪諍澤香	因懷真高	遂相殺傷
以鐵棒擊	破碎其頭	宜捨憍慢	如雲之盡
又如烈士	甚健勦疾	以貪愛故	奪他婦女
以愛著故	乃致没亡	如畏死故	宜捨愛著
二阿須倫	坐女色亡	有貪女色	聽音没命
騰翔空中	實頭王子	是二嗜味	俱致喪命
昔伊象王	以鼻貪香	犯吉祥天	以致喪滅
昔殷頭王	身樂細滑	貪著無厭	頭裂而亡
此等以欲	恣極六情	如海受流	終以無厭
摩竭魚口	猶尚可滿	六情受欲	難可充滿

如是大貪	及餘難計	六情未足	遭大艱難
可如王言	先恣六情	誰有厭足	宜審思此
王以敬意	相請以國	諦視王位	亦無純樂
純事令人	受極快樂	緣樂之後	受大艱難
其厚煖衣	宜冬猛寒	至於夏暑	更反為患
飢者得食	以為飽樂	有強逼者	必成大苦
如好藕池	中有宿蟲	猶萃樹林	師子滿中
金寶之舍	熾火充盈	王位猶此	用相請為
如魚吞餌	不覺強鈎	猶如以蜜	塗利劔刃
王者之位	如七寶械	觀雖悅目	身心甚苦

經

佛名卷三

三

三九

王者容飾 被服如天 乘國土車 雜操牢固
王者重擔 重於大山 苦如馬鬪 觀視悅之
水火風雹 疾疫飢饉 偷盜劫賊 強陵敵國
邊境屯守 侵奪損耗 是諸艱難 獨切王心
晝夜懷憂 寢不安牀 思設方便 爲國除患
心普懷疑 不信臣民 如至毒鄉 從人得食
假令王者 領無數城 其身所處 限居其一
寢一宮室 坐御一座 榮樂無幾 憂勞甚廣
衣蓋一形 食充一軀 出行遊觀 限駕一乘
王所飲食 蓋少少耳 其餘榮動 以恣僑奢

王唯以一 自在爲樂 是樂亦復 雜諸苦毒
猶如處在 劔所作車 處事不明 輒還傷已
譬如好舍 華飾其表 含毒虺蛇 充滿其中
觀其悅目 觸其毒害 吾以是故 不甘王位
以是之故 不宜受是 生死難保 猶如幻化
焉知宿對 馳騁何趣 吾以是故 不受王諫
王云捨家 而非其時 今且諦聽 吾當報王
恣意飲食 不懷顧慮 死命追人 若干方便
甘蔗之種 號曰白淨 王當覺此 是我父王
吾欲脫苦 故棄王位 欲設方便 建立善法

無畏滅度	永永第一	常與生老	病死長別
欲求甘露	可保之處	是故不甘	與諸欲會
猶如野畜	渴得求水	疲勞之渴	迷惑而走
卒遇獵者	截道逐射	不愍其渴	必得殺之
世間亦爾	飢渴情故	迷惑萬端	不計死走
快意自娛	暢情飲食	不慮成事	當有壞敗
老來屈已	如強張弓	疾病傷人	深於馳箭
死來逼命	如獵放圍	愚意所患	如何待時
若覺若眠	若晝若夜	若水若陸	各各人人
命逝不還	迅速甚駛	猶如水性	入摩竭口

法之燈光	壯美之明	加精進意	增益酥油
奉行善者	懷歡喜逝	命終資糧	已悉備足
如進好華	色甚鮮明	志士樂善	奉上塔像
若後日見	華以萎枯	已得華要	心懷歡喜
若明達人	行少小來	和調身命	與善法合
自覩其身	已至朽邁	調自思計	每懷歡喜
猶如惡賊	突獄逃走	乃至曠野	大澤之中
竹葦之林	虎狼遊居	迷惑馳騁	熱渴所逼
五士拔刀	馳而追後	恐怖惶灼	逃突奔走
前卒復有	弊惡醉象	即便前進	欲踐踏殺

其人不持 刀仗戰具 不齋糧食 無蓋履屣
四望顧視 求無歸怙 心懷迷憤 無所曉知
吾今故爲 大王引喻 欲令解子 生死之趣
大王宜解 生死如是 當了衆生 如突獄賊
了知曠澤 喻是三途 虎狼惡獸 覺是塵勞
奔馳疲極 熱渴憔悴 則當知是 憎愛愚癡
智慧利劍 廣施資糧 大正法蓋 禁戒履屣
如彼士夫 乏少此行 不種德者 其喻如是
前者醉象 弊暴兇惡 當覺如是 世之死亡
當于爾時 無有恃怙 唯當依憑 奉戒行善

王當回意 覆育民物 救危濟厄 猶如赤子
普懷慈心 視民如子 王當護國 譬如護宮
猶如有蟲 方便勦健 逃身速疾 不遇雨滂
大王亦當 如是逃意 莫遇惡相 以自免濟
不然阿蘭品第十五

如是菩薩 廣肩長臂 安徐庠雅 師子應步
詣阿蘭問 生死出要 意欲斷壞 生死門關
遙見阿蘭 與門徒俱 聚會而坐 講論梵典
菩薩德重 喻如天帝 迎接問訊 與坐談論
坐須臾已 善意相視 菩薩慈意 慰勞阿蘭

阿蘭對曰	久承德化	所以出家	不甘尊榮
裂壞愛著	結縛之網	強壯勇猛	猶如大象
棄捨尊號	轉輪王位	譬如智者	捨避毒飯
昔轉輪王	不足為奇	壯過衰老	捨家人林
轉以王位	授其太子	猶如萎華	轉授與人
吾今所疑	仁壯盛美	六情所欲	未至充足
應受廣博	自然榮樂	捨此美號	誰不懷疑
欲知太子	事之審實	必當成為	大法寶器
以精進德	尋智慧舟	當速疾度	生死海淵
於是菩薩	聞阿蘭言	含笑懷喜	而答之曰

吾事未成	故來到此	今汝自保	事必當成
猶如冥中	忽見光明	喻若迷者	得人引路
譬欲渡江	遇舟濟渡	故來相求	以為善師
幸垂顧屈	所以見教	若受為徒	當事以師
老病死苦	當何從度	願以此理	而見告示
於是阿蘭	謂世導師	以諦審聽	我梵志法
生死展轉	周旋回行	上下顛倒	猶如輪轉
有八私事	號曰內法	又有十六	疑亂諸事
緣此當知	其人意強	一切世間	因是起滅
如是五性	識著第六	意則第七	猶豫第八

凡有五情 又有五欲 又當復覺 有六誤亂
曉知是者 名曰覺業 赤仙與位 皆共覺知
梵天號曰 一切普知 審如是者 名泥洹業
生死根熟 牽連縛著 但諦覺是 餘不決定
吾等於此 方便求了 是吾泥洹 仁所欲覺
或有智者 謂是泥洹 或云禪報 謂之泥洹
今相教已 出生死路 合意當勤 如病求藥
古仙灌勝 有名知足 有名定行 久暴露形
是等皆從 日所行道 又復更有 求解脫者
爾時菩薩 聞是語已 回意思惟 探察事元

菩薩累劫 所覺智慧 覺其瑕已 卽告梵志
已聞汝等 深奧智慧 所謂覺業 出生死者
如我所覺 此事不然 猶如有種 必當出生
諸情各別 謂是解脫 若對來至 復還結縛
地水節氣 又復無種 所以不生 因緣錯之
若種與對 相遇會者 必當更生 吾了如是
行淨垢薄 壽命延長 意呼以脫 謂是泥洹
菩薩不然 阿蘭是法 於是復詣 迦蘭問法
爲說八意 菩薩卽了 微識故著 覺有是瑕
體解其意 是必逮法 菩薩是故 捨迦蘭法

於是便至 尼連禪江 修治淨行 求禪處坐
金色之身 光影照曜 猶如蓮華 照之於日
日進一麻 半粒粳米 日日省食 久羸形體
身血竭盡 脂肪枯乾 氣力羸頓 形體瘦索
普世衆生 不能堪忍 如是羸困 具滿六年
菩薩如是 暴露形體 未能還服 甘露法藥
意退念來 道德無是 昔閻浮下 億善意是
亦不能以 是羸瘦形 逮及是事 自致成道
諸天空中 勸進飲食 氣力充盈 然後得道
意居尊重 如須彌山 求佛之意 甚大重辜

意離堅固 強踰金剛 飲食不充 體不自勝
覺知是已 菩薩便起 增進飲食 長育其身
侍使五人 見菩薩食 捨棄避去 至他閑處
於是便受 喜悅喜力 二女乳糜 甘露之施
卽便行詣 微妙道樹 安庠徐步 定出生死
嚴飾巍巍 功德積聚 以足觸地 卽大震動
於是大驪 衆龍之王 聞足觸地 震動好聲
意便懷疑 孰自思惟 久復及聞 是震動聲
世之將導 衆師之師 其足觸地 震動如是
地神歡喜 駭駭如舞 震聲隱隱 如有所捨

以世導師 將欲出現 地肅肅動 踊躍若笑
因震動聲 卽從水出 其身體大 如薰黑山
種種珠寶 瓔珞其身 猶如黑雲 飾以電光
變若千頭 普覆空中 體放光明 如雜烟火
猶如水雲 來近日側 龍已是像 禮菩薩足
起執心敬 叉手而歎 我見前佛 興出世時
今之祥瑞 如過去佛 維衛已來 復至迦葉
眼見六佛 與世之瑞 尊今第七 現瑞如彼
如觀光相 明曜於世 今日必當 逮服甘露
今見尊行 踏足步步 斯地應時 肅肅震動

光明殊勝 超絕於日 今日必當 所願充滿
如觀青雀 順遠而飛 猶青雲中 日現妙光
齋慈愛音 敬菩薩身 今日必當 逮得佛道
知見今日 清風順時 衆流澄渟 空中清明
飛鳥相和 柔輓悲鳴 今日十力 一切智成
觀菩薩身 如瑩金山 種種珍寶 以爲嚴飾
視菩薩身 相好自瓔 今日必當 成佛道器
圓光如輪 在其中央 晃晃如日 五綵絳色
如今折除 世間厚冥 如是不久 佛日當出
林樹皆動 布散名華 一切衆華 同時而敷

樹無心屈	傾如有心	今日必為	一切所禮
猶如白藕	蒙月明開	日光明照	映芙蓉敷
菩薩今現	佛日月光	天人心開	如快樂華
如今觀察	相已現矣	甚難值遇	優曇鉢華
如率難遇	佛亦甚難	兩難俱遇	俱現於世
今日當以	智慧利箭	必驚塵勞	王將軍營
已迫及速	過去佛處	今日必當	服食甘露
如今觀察	決定者戒	身體嚴以	八十種好
皆照諸天	現於身中	今日光為	天人所拜
驪龍如是	歎菩薩已	歷泉上過	行詣道樹

遙見好樹	如天莊嚴	猶如天上	晝度天樹
吉祥持草	奉迎而進	菩薩問字	即便自名
眾人見呼	名曰吉祥	菩薩自計	吾必吉祥
即便從之	受柔輦草	散金剛座	草皆齊整
結跏趺坐	志意堅固	內以心識	審諦決定
不度魔界	眾勞欲塵	坐是不起	亦不飲食
假令四大	捨其本性	日月墮地	須彌升空
如是眾	可有變異	吾終不違	是願要誓
歎誓願已	諸天大喜	菩薩發意	定欲降魔
猶如不然	外道異學	如為天人	諸龍所歎

願使衆生 蒙如所歎 十方衆生 逮得所願

降魔品第十六

時菩薩始坐 座號金剛齊 建立金剛心
三千世界震 地神喜踊躍 數數而震動
魔天見地震 疑問何故爾 魔王第一臣
號名曰言辭 傾躬謙敬意 而啓曰魔王
唯王聽所聞 歷劫積功德 白淨王太子
淨土修善行 今當成大道 空天王欲界
欲壞所欲城 衆門戶之關 必超王界上
當度勝衆生 廣開泥洹門 甘露之法輪

魔王聞其言 情卽慘然坐 三女來問訊

第一女名愛 第二名志悅 第三名亂樂

問王何故愁 王答諸女言 彼有大仙聖

被決定大鎧 手執智慧弓 無常箭射吾

欲伏吾欲界 若勝處吾上 當空吾境界

令衆慢賤吾 猶如強隣王 爲敵國所掠

曼今故屬吾 宜廣設方便 卿等力士女

令其失本志 可往施星礙 如設水堤防

於是魔三女 便行詣道樹 欲現其女力

極示其妖媚 迷惑亂人情 來欲壞其意

盡其妖媚巧 種種改其形 變化其輕疾
猶如雲中電 不停住須臾 菩薩諦計察
髮膚瓔珞飾 衣服巧爲覆 猶如聚骨舍
惡露充盈滿 解散令人驚 是何欺世間
裹以薄肌皮 迷惑愚癡者 審諦視魔女
形體衰老悴 如華被重霜 魔王見女老
懷恚如熾焰 卽重召傍臣 令合召大軍
往固遮釋子 今曼處吾界 未得審諦眼
宜時往壞 今若道成者 儻能勝於吾
車馬兵 吾當自出戰 寶冠明如日

嚴飾其頭首 來到須彌頂 卽被金剛鎧
猶如日光明 而照曜薄雲 金剛千輪車
輪各有千輻 駕以馬千匹 魔王乘寶車
其曠甚明曜 如日在火中 華宮一由旬
手執五利矢 寶莖蓋如月 以迷惑世間
蓋覆數由旬 周飾七寶鈴 高幢大開口
猶如摩竭魚 欲吞海水時 魔王如是出
衆徒諸魔衆 凡有十八億 來至道樹側
菩薩坐華上 猶如梵天王 寂滅德充盈
重光晃昱昱 如大金寶積 左手以執弓

文承

佛之十卷之三

四

卷六

從金筒拔箭 便語菩薩曰 咄起利利種

如何故畏死 棄已帝王位

相仁妙臂當執弓 應食世間之榮位

古王之路名普聞 汝應當受顯縱恣

應食世妙祠嚴國 普令役世無遺餘

始起聖王甘蔗種 還食國榮棄乞句

若不欲起諦自思 莫自違負本誓願

吾箭甚嚴莫能當 徹壞一切堅固楯

惑人猶如春時華 甚於斷華著日中

愛悅世間如時雨 欲猶孔雀得雲雨

或欲失志忘慚愧 佐助嫉慢獨蓋世

外道術強行凶咒 受勝是等獨蓋世

欲迷諸天及世人 覺悟談言失睡眠

捷疾無比力勢強 受欲無形壞眾形

或以受火燒殺戒 古王燭之瘦消云

王名財除云滿臂 上世惑欲何況今

彼時魔王說是言 不能搖動菩薩意

即便發弓捷疾矢 現諸妖惑作女變

見菩薩坐不傾動 堅固如山懷疑曰

安庠天子如山王 以女箭射即傾動

經

佛之十卷之三

五

卷六

化現四面以迎之
現不自輕與相見
想今太子不識矢
若子矢志吾箭誤
是不宜以欲化矢
不可謙敬典雅辭
是當輕易不宜敬
以大車勢強恐迫
魔王發意念兵衆
大呼徹天盡魔界
卽會若干無數形
甚可恐畏動天地
嚴事如雪衆山王
衆樂校飾甚可愛
三十二頭名阿樂
是天帝釋所乘象
化身千日被珠鎧
手執金剛千楞杵
釋從無數可畏天
象兵八億相隨來

銀車甚大容飾白
駕千白馬將從白
白明珠鎧白雲蓋
自化已身有百頭
將諸白龍大軍衆
十二萬億爲營從
是主水神名和崙
捲地而來曳諸山
天琉璃種種寶
明珠巖首及身體
被琉璃鎧粟金錮
右手執持金剛棒
駕千師子衆寶精
乘琉璃車色如日
與無數億夜叉神
毗沙門軍如暴水
無泣威怒及仙時
雨立日月風火神
華照妙馬堅金剛
賢財厚務及正行

是大天神無央數

乘車象龍及駕虎

車駕千馬千師子

或復有以千虎駕

或復有駕鴈孔雀

駕驢駱駝特牛羝

或乘雲車乘山樹

或有乘龍虺毒蛇

或有吐火鼻火出

眼耳出火頭火然

其有打擲皆成火

熾盛火作如劫盡

或化如日或如月

化如大山有羽翼

或冥昏晦如黑雲

雷震電光晃昱昱

如是無數塞虛空

或化黑象如須彌

乘是大象執大弓

來向菩薩欲燒然

或化猪頭駱駝手

象龍熊頭無數變

化身甚大為象頭

牙如山巖上刺天

或化師子及馬頭

或化虎頭摩竭魚

或化二頭三四五

六七八九乃至十

或化百頭百手臂

百足百眼甚可畏

若于變化至千頭

千眼千臂放火來

車聲馬聲象吼響

聲鼓珂音動天地

或執弓箭刀矛戟

或戴山樹金剛杵

皆放所執戰鬪具

山樹金剛利兩雹

菩薩德大化所放

金銀雜華眾寶雨

化黑受人如雲山
還自狂惑無所識
或有跪地吼喚聲
或被虺皮若干形
還相騎乘瞋恚戰
於菩薩意無增減
有一天人謂魔王
身中照現諸天宮
鐵圍須彌江海淵
一切照現菩薩身
執器妖咒惑菩薩
破所執器祭具散
雷動震地塞虛空
眼耳鼻口蛇玩出
或有馬鳴或狼呼
猶如螢火日爭明
尊熱觀是仙聖德
日月五星及諸宿
釋梵四王太山君
猶如普世現月中

於是魔王益恚盛
地虛空然不可知
化雲雨潤滅欲火
安詳天至邪鬼退
如召禍害化成虺
纏繞道樹悉周遍
化成吉來蛇退滅
菩薩計緣逆得勝
名曰惡口化爲龍
化爲金鳥龍逃退

卽放戰具愛欲火
菩薩卽放甘露觀
愛卽畏懼菩薩德
魔王卽放毒毒發
地上普滿毒蛇玩
菩薩卽放大慈發
魔王復放愚癡發
魔王復放嫉嫌箭
菩薩復放大悲箭
魔王復放憍慢發

發名梵手化成象

菩薩復放十力發

化成師子象退去

魔王復放妄言發

名曰調戲化成風

菩薩卽放至誠發

挫折魔箭化成山

魔王復放慳貪發

發名惱惡化成霧

菩薩卽放惠施發

化雲細雨除土霧

魔王復放陰蓋發

名曰睡眠化成雲

菩薩卽放五淨發

化成暴風壞裂雲

魔王復放邪見發

化成邪冥覆世間

菩薩復放正見發

化成爲日除魔冥

菩薩被大忍辱鎧

戒成充備跣立地

著七覺意之華鬘

進定瓔珞微妙好

手執慈弓梵寂箭

從意箇中而拔之

適放一發都得勝

如阿須倫勝士烈

變若干變來相恐

菩薩意定毛不動

爾時天上淨居天

奉持過去成佛法

心之憎愛滅除盡

上空中見勝菩薩

時諸天人語魔王

唯仁波旬常諦計

天告波旬何故勞

唐棄汝功實相語

捨懷惡意寂滅心

何爲忽嫌於菩薩

是士無誰能動者

猶比口氣吹須彌
自愛莫觸燒菩薩
風捨輕動火捨熱
冥不避明日捨照
須彌昇空海過濟
終不退捨決定誓
如惡如好慈衆生
食以正法甘露珍
自然發意愍世間
日出求冥不得然

故以慈愛語魔王
諸物尚可捨本性
地捨沉動水捨濕
月尚可使在地行
無央數劫戒德業
如其決定如精進
法會盛賓諸天人
慈心求願安衆生
不違本願終不起
菩薩大悲愍世間

塵勞之患所踪踐
三十七種之神膏
卿魔不宜犯燒遮
欲導以正不可固
一切大智之燈明
卿魔莫滅方便退
塵勞海淵無崖底
何患能速行善者
建大忍辱之觚幹
持戒禁華甚鮮潔

博集諸法之良藥
欲爲普世和神藥
一切墮邪迷惑路
世愚昏冥滅酥油
佛之庭燎今當然
見是世間沉沉深
欲度一切沉沒者
初始發善根堅固
意志枝莖大廣博
大智慧樹今欲生

當成熟正法甘果
真堅要樹始欲生
今是應生開敷時
如先過去及諸佛
無數德人所愛處
意大尊重可勝者
菩薩觀我是大力
能吞鐵圍普大地
本修何行得大力
名德普聞無不周

卿魔莫爲作妨礙
古來下佛種種種
今坐是座是其宜
是座有德名地齊
普此地上更無處
魔王聞是慘愁曰
欲燒天地令焦盡
時菩薩因問魔曰
答曰吾祠大開門
卿一祠祀大德爾

波旬且可聽我說
遍此地上無空處
汝所行聽誰爲證
今當示汝吾行證
如出赤雲照然明
卽展臚平微妙臂
千輻輪掌妙相具
我行汝知地逮證
大舉聲我證我證
名聞第一無不備

吾大祠祀無央數
魔語我行汝具知
菩薩告魔具諦聽
於是菩薩光明臂
從袈裟中出其臂
先世善行之積聚
告魔王已手觸地
於是地神出現形
於此地開門大祀
又復名曰多金施

復以而施無央數
又雨七寶飽世間
有處以國及妻息
是處以血破骨髓
捨世種種身不逆
地應震動出大聲
盡撲魔王并其軍
空中大聲普告曰
已勝魔怨諸塵勞
魔退魔敗聲流遍

數數食飽充此地
是處頭施有千數
是處剝皮是處肉
於是地施無數身
地卽爲證現返復
三千世界六返動
顛倒偃覆都墮地
釋種太子都勝怨
魔王大幢卽摧折
已勝魔王逮定意

意定深思諸佛事
心懷喜踊連震動
動不動類皆因汝
吾爲無歸者作歸
逆害親君族欺者
掘盡善根行惡人
苦厄重擔地獄分
須吾捨棄諸苦擔
於諸禪得最自在
前世所經如昨暮

德重地神不能勝
菩薩卽告地神曰
且定莫動耐斯須
汝久耐負無央數
越限傾邪向衆罪
飲倒見毒墮冥者
已勝此等且小忍
於是現歷觀諸禪
憶念久遠初始事
時至夜半天眼觀

見一切了如明鏡
無有堅要如芭蕉
審諦思惟意要妙
生老病死遂別離
不避坑塹猶如盲
察其起滅悉曉了
老由何來何從死
因老有病從病死
猶樹已生必當墮
覺種種行受緣對

照察明達五道生
於其夜至第三時
一切世間諸苦會
愚冥覆蔽出要道
菩薩推盡生死原
心更生念重思惟
復生正念緣生故
其有頭者有頭患
重思本種所由有
受何從起從愛有

觀愛所由從覺識
緣其觸更有諸根
名色之緣則因緣
得癡縮起生死原
癡原生死所應滅
如所應覺諦覺知
先執正見如審實
燒塵勞澤以慧火
所應覺作悉已成
諸佛世尊所行道

覺識所由從觸更
所由六入緣名色
如是緣下至於上
是滅已一切都盡
審覺十二緣起本
八賢聖路最第一
見無吾我盡三界
辯是事已自歎曰
吾已及逮久仙聖
至於其夜第三時

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

日普照之道幢現

衆生休息時寂靜

一切智成最佛道

吾已及逮久仙聖

諸佛世尊所行道

逮佛第一最處已

三千世界六變動

諸天畏塞滿空中

歡喜散華普遍地

粟金粟銀末梅檀

天意作華悉周遍

地普充盈塞空中

從無結愛雨天華

妓樂不鼓自然鳴

諸天鼓樂空中作

天應慶喜世得持

地虛空神音踴躍

火神歡喜自然然

淵海波涌震妙聲

樹神各各獻音華

須彌喜與諸山禮

地獄休息餓鬼飽

衆生相愛除嫌仇

佛身奮放正法光

四維上下遍十方

變現種種諸形像

故先使至遍覺悟

以賢聖路始復現

如幢無導令諸道

是有妙華名諸覺

言諸覺頃林樹現

三十七品數各別

各自現形如說義

或白青黃若干色

光明如是說法音

佛日出曉照世間

是其光明諦觀之

佛卽還攝神光明

不食七日坐樂法

爾時世尊說此偈

快哉報福妙願成

速疾乃逮最上寂

保安不受餘他苦

魔王覩共相聚來

各各現形力向吾

終不能令吾意動

以功德力勝降之

佛本行經卷第三

音釋

輦力展切 勦祖交切 餌忍止切 屣想里切 糜疋皮切

黧黧溪切 躅長魚切 羝都黎切 蹂踐蹂尼救切

並踏所六切 縮所六切

闍城浮渡居士吳用先施贊刻此
佛本行經卷三訃字七千三百二十該銀三兩三錢三分五厘化城寺識

佛本行經卷第四

宋涼州沙門釋寶雲譯

轉法輪品第十七

願成懷歡喜 悅澤樹王下 坐觀樹七日

不食喜充盈 猶王初臨國 巡行妙寶藏

佛妙藏亦爾 先觀視諸法 以佛眼普視

世間悉了見 覺世行入邪 六師迷惑說

法微妙難解 愚了泥洹解 覺第一最覺

意欲默然寂 最神妙梵天 方便見無偏

知佛先世誓 發心欲來下 欲以善益世

妙辭請法雨 被氎明如日 顯然降世間

尋來到佛前 敬稽首佛足 在佛側甚明

如風吹金樹 慈目視無厭 盡敬白佛言

願憶果敢誓 施甘露於世

世人如藕 華微妙好 或齊水敷 或出水上

衆生欽仰 佛日當出 蒙日心開 猶池中華

捨佛世尊 無誰能有 從生死獄 拔出衆生

猶如往古 轉輪聖王 濟衆生苦 以十善行

已能托攬 智慧海淵 得上神良 甘露法藥

欲以充滿 衆生疾苦 宜開惠施 分甘露藥

尊已得度 衆苦海淵 願以法船 度一切生

猶如賈客 沉没海中 方便濟度 如巧船師

塵勞之疾 甚重弊惡 衆生久患 不遇良醫

最上醫王 典出于世 今宜授與 法神良藥

想煙如雲 覆蓋甚厚 姪火熾燒 諸天世人

尊已飽滿 宜傷衆生 願以法水 充飽一切

已能滅除 一切愚冥 心明智慧 喻如大燈

愚冥覆蔽 世間之眼 願施法燈 照曜愚心

尊已服飲 先佛口教 言辭之江 猶先仙人

願從妙口 慈哀惠捨 清淨言辭 恒水江河

佛之行狀卷四

蓮花

經

佛之行狀卷四

七

蓮花

貢高慢山	巖甚峻高	以慧剛杵	碎令無餘
願復以此	智慧法杵	施與衆生	令碎慢山
心性躁擾	今已調良	縛以審諦	智慧之繩
願施世間	清淨調意	智慧牢固	索之繫縛
慈仁之主	施惠慈心	衆生久遠	墮邪徑路
世間導師	今已出典	願導世間	生死曠野
迦葉佛來	世皆昏寐	沉沒迷惑	塵勞長夜
惟願世尊	宜以正法	之大鐘鼓	覺寤久眠
世間梵尊	受許梵天	淨音微妙	當班宣法
梵天聞之	甚大歡喜	禮佛足已	忽昇虛逝

於是衆善	第一法器	號曰世間	功德福田
佛應普受	衆生之施	四王卽來	奉獻四鉢
佛卽時以	神變之力	左受右按	合成一器
於是便受	二賈客施	始受五戒	爲清信士
因是發意	當廣說法	佛眼始視	應得度者
阿蘭命過	已至七日	見鬱陀羅	昨夜命終
因復憶念	侍者五人	欲爲是等	除長夜冥
行詣大城	波羅柰界	威儀安庠	猶師于步
所作已辦	相好甚著	厥雖獨行	德如衆從
有一達士	名曰尼捷	於路逢之	意用愕然

占相變夢	逆知吉凶	八種世典	名稱獨舉
見佛德相	審諦觀視	謙遜恭敬	輒辭白佛
諸染著中	而無所著	諸根動中	寂無所動
瞻觀面相	於情有疑	將無智慧	明達具足
熟視面相	清徹明好	牽御諸根	所為自在
觀察儀容	所作事辦	師為是誰	願為誠告
時佛告以	清淨之聲	天上世間	吾無有師
吾不詣師	自然覺之	吾證佛滅	卿當了之
自稱為佛	已普勝邪	如是尼捷	應覺已覺
一切可勝	都已得勝	以是勝故	成一切智

今始行詣	波羅柰城	吾欲於彼	擊大法鼓
為世苦惱	建置善法	普請令會	法之上賓
獨安已身	是不為奇	濟拔勤勞	一身苦者
廣為眾生	而求善者	其人功德	不可計量
若以一身	度流上岸	若復見人	為水所漂
不發慈心	濟水流人	是輩不可	稱為道士
若復有得	伏藏珍寶	不惠濟貧	是不可爾
手持良藥	行瞻病人	不以濟病	齋之何益
若見迷人	行失路者	不示正路	不名大道
若復見人	為蛇所螫	不與其咒	用此人為

若自然燈 有所照見 是不可以 置恩於此
佛以慈善 教化一切 爲人說法 不以貢高
木中可保 必審有火 空中有風 地中有水
如是諸佛 必有聖道 道樹下得 波羅柰說
卽時歎咤 甚妙無比 尼捷歎已 順道而逝
心懷喜行 數數顧瞻 慈目視佛 而無厭足
佛順道行 至波羅柰 翔鳥所樂 鹿野之園
光相晃昱 明曜於世 猶日天子 入迷惑園
億寶意好 邊方第三 第四馬氏 第五賢居
爾時五人 遙見佛來 還共論議 而相謂言

樂義者來 是瞿曇子 退失本志 術敗不成
不足起迎 亦莫禮待 本誓已壞 不宜恭敬
如是要已 急坐不起 語言之頃 佛卽來至
忽不自覺 違其本要 猶如地神 擎持令起
或有迎接 攝取衣者 又有取鉢 設座席者
以如是像 承敬奉佛 猶不能捨 世俗戲言
佛因告曰 非道士宜 佛前不宜 慢無恭肅
敬順於佛 意無差別 吾愍汝等 令離罪咎
佛於世間 普施以善 以平等慈 猶如赤子
其有慢意 侍是師者 其人受憊 如違慈父

於是五人 同聲對曰 修甚苦勤 無所剋致
意退從安 放恣其情 何由致道 願示其意
猶如有人 擻壓沙水 唐勞其力 終不得酥
譬如犖牛 捨乳犖角 以其行憊 終不得乳
緣燈光明 以除晦冥 亦不以水 惡罵利刃
如是厚重 愚癡闇冥 以智慧燈 終不以餘
猶如盛火 得風吹動 燒然乾薪 終不休滅
人縱情意 迷惑六欲 塵勞穢行 終不損滅
盛酸雖滅 餘有少火 終不捨本 燒焦之性
意雖精微 故有餘識 覺有熾苦 爾乃了諦

當求無生 無老無病 又無有死 地水火風
無前無後 無中無動 思求是處 覺滅度苦
八賢聖路 可以逮致 是以覺道 及其方便
不以覺了 八賢聖路 故迷世間 顛倒輪轉
當覺是苦 次相承侍 先除苦源 思愛欲縛
勤加剋修 八賢聖路 當以泥洹 滅寂爲證
應覺覺苦 除愛欲著 以滅爲證 修聖路者
因是苦行 其事具成 吾當爾時 遂覩黠眼
明達四諦 以是四諦 爲是五人 三明解脫
以堅金剛 正法慧杵 壞碎五人 塵勞之山

億寶始初 覺正諦法 八萬諸天 時俱解脫
地上天龍 鬼神俱歎 轉上法輪 何甚快哉
善修禁戒 輻甚牢緻 調良滅寂 輞博周帀
精勤志念 轂處中央 爲天人轉 未轉之輪
鬼神歎聲 上衝于天 周徧天上 乃至梵宮
諸天始得 聞是音聲 因是發意 來詣佛所
當其始轉 正法輪時 天龍人鬼 海神皆喜
卽雨天華 不可稱計 衆生蒙賴 從苦得安
梵天請佛 乞轉法輪 衆生得度 于今不息
是之福報 皆歸梵天 是故稱號 梵福第一

其初始轉 法輪之時 佛以甘露 先飲五人
願使衆生 速轉是輪 如佛世尊 說法度人
度寶稱品第十八

久無央數劫 所積得善本 逮得昔所願
先以授五人 猶如事火祠 得酥益增熾
佛焰超踰彼 光明靡不照 已出五道淵
遂便度五人 始與五沙門 德力勝五根
佛如滿月現 與諸弟子俱 猶如五明星
與月俱遊處 時波羅柰城 有大長者子
性慈仁愍達 厥名曰寶稱 居宅如天宮

侍使猶天女 妓樂小罷息 稱及女皆眠
古世福所追 應服甘露藥 前世見死屍
慈悲斯須間 宿善所追及 悵然從寤寐
見諸女如屍 居宅猶丘墓 其心懷慘忤
舉手悲歎曰 吾今遭厄難 大苦患之中
自然生善心 惟樂無爲安 欲樂難久保
喜樂斯須耳 當從何路逃 於何自藏匿
不遭無常火 無恐怖之處 誰於世可恃
吾當何所怙 誰當從愛欲 深泥中見拔
於是捨愛欲 徐下金寶牀 因便履寶屣

其價直百千 居宅城門戶 皆自然夜開
卽明曉如晝 其心懷狐疑 天於上空中
懷慈告令悅 仁速建志往 莫顧懈遲久
佛世間聖師 今去是不遠 停立相望待
如牛母求犢 仁當於今日 建無極大利
姪欲如羣魚 迷惑之回波 以乘上精進
第一牢桴材 度諸苦淵海 期必在今日
時童子寶稱 行上流泣惻 遙舉手向佛
悲聲而歎曰 惟尊我今困 於老病死苦
願尊當爲歸 濟我斯苦患 佛時遙告以

梵柔輒淨音 是間有安靜 無苦患之處
有八賢聖路 寂滅甚清淨 速來詣吾所
當爲汝作歸 寶稱聞是教 喜踊意充溢
猶如遭早熟 自沉清淨池 尋聲至佛所
稽首世尊足 喻如妙華樹 爲風所吹倒
體瓔珞服飾 心坦然不著 宿福今運會
畢竟獲羅漢 佛見寶稱心 內慚體瓔珞
沙門事俱辦 因告語之曰 飾容內純善
第一勝諸根 是謂成吾法 不以託外服
其有內心端 表裏應相順 道門爲之開

不可恃虛服 緣寶稱功德 四友因得度
滿成與無怙 牛呵及善與 時五十童子
得度脫諸苦 彼說世尊邊 始六十羅漢
時佛以梵音 告諸弟子曰 汝等已度苦
曠然清淨安 衆生沉愛欲 受苦可憐傷
卿等宜慈愍 諸方宜化度 分布遣弟子
於是獨遊行 乃至野象澤 因求止宿處
現神光晃昱 以降毒害龍 顯神足變化
種種奇妙好 佛憍慢已盡 又化諸憍慢
度第一迦葉 居野象澤者 然後以次度

迦葉之二弟 三兄弟門徒 千人成無著
佛與是三人 功德甚巍巍 法則及惠施
禁戒威儀善 將從千弟子 名眾師之師
慈愍摩竭王 行詣王舍城 有宿德之人
典領摩竭境 以善居王位 德善喻眾生
聞佛大聖尊 來入國境內 聞卽心喜踊
整嚴往迎佛 王駕躬自出 與大極目軍
王瓶沙妙容 眾王中最殊 如釋從諸天
俱出其天宮 嚴威儀導從 往見梵天時
與諸重臣屬 始從城中出 執轉輪聖王

出遊之威儀 與諸神寶臣 前後俱導從
極世之嚴飾 殊好無有比 象馬車人從
聲震於雲中 婦女臨路觀 服飾如電曜
諸城門各出 填塞四衢路 猶如山諸谷
秋雨暴雨出 諸王中雄猛 行近至佛前
佛奮金色光 照耀諸樹間 以佛之威神
曜澤令金色 王愕然歡喜 顧謂傍臣曰
聽聲視其色 禮儀甚相應 如吾諦熟觀
誠實妙寶器 智慧之大海 眾善之寶藏
遙視其容貌 佛以慈相示 王不勝歡喜

便下其寶車 如日出於雲 下沒西山崩
罷王五威儀 步進詣佛所 五體禮佛足
盡心謙恭敬 叉手仰視佛 甚妙意無厭
喜敬心無量 身衣毛皆豎 禮竟就位坐
形容益姝好 一心熟觀佛 猶如須彌山
三自稱名號 因白世尊曰 今視世尊顏
心終無厭足 佛興世奇快 爲三界作歸
今日喜踊躍 情懷心逸豫 豫觀計明諦
捨快聖王位 天世人所敬 其宜實應當
度身至安處 充滿衆生願 今禮世尊足

佛行錄卷四

通七

身命歸於佛 王於佛前坐 愈更自檢整
繫眼睛於佛 熟視心不動 專精存守志
如蜂向華樹 兼加謙恪心 渴仰欲聞經
佛以八種聲 爲王廣說法 諸根及心意
六情緣起色 起滅不停息 猶如水中泡
諸根之起滅 王當諦覺知 如下種於地
必有萌芽生 芽非種種非 芽生當審覺
非本不離本 諸情意如是 生死之顛倒
相因緣生滅 王聞是深法 心爲之悚然
卽度生死淵 逮得慧眼淨 侍從萬二千

經 卷六下 經卷四 七

皆蒙得解脫 上諸天八萬 逮得甘露藥
爾時佛聖師 遊止竹林園 慈愍衆生故
晝夜奮光明 比丘名馬師 順威儀早起
啓辭曰世尊 欲入城分衛 佛告令出行
若幸逢異學 當以四諦頌 次第爲解說
時聞聖師教 頂受而奉承 爲其四大故
行詣王舍城 寂然息心行 目視不離前
外學甚明達 厥名曰受訓 見妙異威儀
敬心而往問 折威儀寂滅 惟告示其意
是何奇寶山 爲仁最上師 仁是何寶巖

從何山迸出 是何智慧樹 所戴鮮好華
爲從何師月 仁光所從出 是何慧清池
乃生是芙蓉 仁師有何教 是誰見告示
有王甘蔗族 釋種王之子 捨家學成佛
爲普世聖師 仁當學吾師 天人聖賢師
我適始初學 生年旣幼稚 佛法廣且深
所說甚精微 今當請現說 聖師之言教
覺苦苦起元 又知苦所滅 所以苦滅道
聖師所班宣 彼聞是四句 心即霍停止
憂婆替卽時 逮得慧眼淨 因爲目捷連

佛行經卷四

再徧說四句

應時見道跡

俱行詣佛所

與五百門徒

稽首敬禮佛

發聲稱沙門

威儀即備悉

二賢先見道

俱逮羅漢果

一者智慧最

二者神足備

二賢侍世尊

猶如左右臂

共輔翼於佛

如王者賢臣

時有大姓子

名曰藥樹生

捨金色妙英

剃頭被袈裟

於多子野澤

見佛陳本行

今始得覩佛

一切智聖師

又手戴頂上

向佛遙稽首

佛是我聖師

我是佛弟子

佛以妙梵音

慈心告之曰

善來賢明士

適遇會良時

佛應順本行

為說深妙法

散其塵勞聚

即時逮果證

與三聖弟子

光顯一切智

猶月十五日

與三明星俱

適從舍衛國

奉使至王舍

財寶好施與

厥名曰須達

到適聞佛名

喜踊躍無量

舉身衣毛豎

夜不能眠寐

夜半至佛所

到即得見佛

五體禮佛足

情甚懷欣喜

汝以愛法故

除捐睡眠耶

夜喜故請吾

必獲其善報

施戒及智慧

歎譽生天安

姪欲之瓊璣

廣說若干法

猶如淨好氎

入染甚色鮮 時長者須達 受人泥洹池
久發願求佛 欲於世間出 度脫衆生苦
所誓今已滿 從生死苦厄 度無數衆生
導以正平路 徑趣泥洹城 如其本所願
各各從意得 往古得度者 盡服甘露味
皆尋得安隱 不危墜之處 聞已樂學者
當入泥洹城

廣度品第十九

獨爲一切護 獨爲世間師 爲天人爲導
號佛天中天 長夜在塵勞 久處昏眠者

擊正法之鼓 以寤所應度 五岳所壅繞
羅閱祇城中 度王弟鷲黑 及羣衆八萬
長者號勇猛 慳垢蔽其目 先濟化焰光
并度醫耆域 王舍城國內 迦羅衛首家
世尊光踰日 大火欲焚佛 法雨澆其心
三垢之盛火 毒飯及塵冥 一時普消殄
隨提大國中 達士如梵天 度名聞梵志
號曰梵摩喻 香持大國主 目如紺蓮葉
爲解六種法 令覺正見諦 有山名道術
特顯如金山 心淨有智慧 沐浴俗解脫

有十六梵志 號曰度彼岸 及餘六萬人
同時皆得道 時眾祐福田 往詣處聚中
於時彼聚中 有大姓梵志 有名闍黑齒
時欲大祠祀 斷祠祀疑網 立之於正路
時在隨提山 帝釋石室中 時佛處其中
不動如太山 天樂般遮翼 歌頌覺悟佛
以清淨甘露 飲天王帝釋 懷害多瞋恚
捷疾甚暴風 小指爲額鬘 迷惑疑狂走
害如闍羅王 梵志鴛掘魔 神足以調化
凶暴難調者 又於安晃界 梵志名戒慎

狐疑所纏結 絕斷其狐疑 與三百門徒
從苦得解脫 截其塵勞結 令永無有餘
頭上火焰然 口中亦吐火 瞋怒銜下脣
撩擲火燒然 身都放火焰 猶如劫盡燒
以言滅曠野 阿臘鬼神火 身大如青雲
電光晃斑駁 體大亦如是 飾以金瓔珞
懷害吐毒氣 震靈電石綴 視神力斯須
滅無苗龍毒 於大宅聚中 化童子邦守
先度善昏眠 野城化手授 拘睠尼所濟
無畏及今者 於羅闍城國 化梵志無嫌

維耶離所度	食肉弊羅刹	葉耳惡鬼神
俱化令度脫	師子力已下	化度四千人
又化劫賓菟	及四千童子	於野畜繁山
化太子道德	地時度白軻	所生化濟使
退守於雙林	往聽於舍衛	化梵志無畏
及無數大眾	又化憂波先	五百將從俱
又度聽受等	及五百梵志	化不蘭弟子
有五百賈人	濟五百釋種	皆令作沙門
於青林村落	化度二百人	無持度二百
會同度五百	又於億傳村	化度八十人

紫滿度六百	隨提衆五十	諸天王四人
大力護世間	勢力如谷水	恚害如流波
以其越咒教	為說四聖諦	極乃能解脫
立之入正路	諸賢士等輩	二十八鬼神
將軍凶弊惡	犯燒人魂魄	居雪山鬼神
豎毛多瞋怒	刺毛甚弊惡	佛滅其恚害
女神諸鬼母	厥名曰取去	食世間無數
嬰孩抱上子	最小子愛作	佛取藏鉢覆
母行方便求	狂走來詣佛	佛問愛子耶
世人亦愛子	若能慈不殺	吾當示汝子

經
何本行卷四

即從教受戒 執慈不復殺 與子歸詣佛

如江河歸海 將男女甚多 鬼男女亦衆

孫息諸男女 無數塞野澤 於祇樹之中

化諸鬼子母 將從無數衆 佛授以正法

隨提國沙門 度脫四十人 四方土沙門

又度三百人 度簇髮梵志 徒黨四千人

有勇進梵志 又復度千人 如化舍利弗

精進者無數 以化槃特法 輒意教亦爾

又如安庠法 化無數善人 化羅旬懦法

度諸薄福者 如化賢良法 度無數貴人

以化廁方土 度無數賤人 如化迦葉術

度無數調良 如化迦樓陀 無數放逸人

如化善除法 所度無央數 以化貴姓法

聚度亦無數 因度占波法 度諸占相師

如迦葉比類 化曉迎音者 舍衛城門中

逢五百異學 化以火圍遶 方便度脫之

現神足變化 度鬱昇迦葉 以威神降伏

梵志名快諦 審諦與阿賤 及無苗龍王

并言談長者 皆急疾方化 或如鴛掘魔
捨走而以化 如香華持王 迎逆順意度

經
東京大學總合圖書館所藏

以若干方便 接度其弟難 度梵志因頭
佛從因化出 變現身爲鹿 濟度野獵師
五百釋種獵 化其箭爲華 化醉如郁伽
度嚴飾如綵 以度憍悵方 濟諸奢憍者
化難動迦葉 逆不受其施 以若干方便
行調度衆生 長齒與黑子 吉瓶及造作
諸國弊鬼神 佛之所教化 上昇及深奧
江施與形像 至牢山鬼神 化於普廣山
度明珠齒鬼 孽齒鬼第二 千目及青眼
法度與赤色 嬰耳及華耳 大力甚貢高

大深山谷中 化是諸鬼神 佛至大吼國
度諸優婆塞 立之不還道 凡有百五十
逮往還道者 有二百五十 須陀洹道跡
具滿五百人 所向及喜歎 歎者樂華門
聽善性及霧 吉善來充盈 稱滿及善覺
冲隱光含笑 牛勝潔長頸 未發并泉作
如是等羅漢 同一有五百 略說其端首
度者無央數 或以柔輒教 或以麤獷辭
或以剛柔調 佛盡教化之 調達之所放
狂醉於王舍 佛所化迷惑 醉象名財守

時於城門外 佛見猛師子 好目視世尊
佛記當得佛 於諦樹石室 降化猛特牛
曠野中諸鴈 爲下生天種 時不具城中
兩初生虎子 得慈心於佛 及與千飛鳥
鸚鵡及孔雀 豺豹并維羅 龜鼈與毒蛇
鸞鶴及奢立 鴿雀及與烏 及乃至蝦蟇
是等蒙恃怙 皆得生天上 裸形入海水
可浮得彼岸 日有千光明 可以手掌障
佛諸經深義 廣博微妙句 一切諸聖師
莫有能究盡 無數諸天樂 無量諸聖神

無邊空中靈 無底山地祇 無數水樹神
無數天地人 所度無央數 先世所願具
猶佛德願具 衆聖天人師 亦充天世人
所求之善願 亦願使一切 有形衆生類
其學是經者 令入泥洹城 諸天執樂神
龍鬼阿須倫 是等聞佛經 逮服甘露藥
見佛受化者 世間今故有 是等護國土
災患永消云

現大神變品第二十

諸天之帝 與諸天俱 已勝強怨 諸阿須倫

經
佛行經卷四

天

通

名稱力勢	普增遠聞	坐施安牀	心喜無量
以微妙法	甘露神藥	天人之尊	甚自充飽
猶如天帝	處施安牀	梵志見佛	安坐如是
心不歡喜	不得休息	因生嫉妬	懷煩鬱熱
因相聚會	於林樹間	廣共博義	論說於佛
此人何因	獨顯於世	其名德遠	超吾等上
及將世人	入聖徑路	令梵志法	轉見輕慢
若其名德	轉久增益	吾等名稱	便當滅亡
吾等名稱	若滅亡者	何從能致	供養安樂
故當勤加	推理思求	釋種之子	獨得敬養

若能推盡	返其事者	子必當失	供養名稱
各各思惟	欲露佛短	或有發聲	返歎顏貌
或復稱其	言辭清淨	又復歎詠	其相好者
如是言語	斑駁不同	乃反稱揚	佛之功德
於時其中	有大梵志	謂眾人曰	聽吾言理
母生之時	從右脇出	其母永無	瘡痍疾苦
難動大地	六返肅震	微妙天樂	自然有聲
空中自然	雨諸天華	金粟銀粟	槃檀種種
于時日光	踰倍於常	華下猶如	雜綵帳幔
諸天撞擊	寶鐘金鼓	慶雲含潤	如垂降澤

經

佛行經卷四

天

通

日月燈燭 皆失精光 普世欣喜 如得恃怙
生於微妙 林樹之間 從脇生時 猶如出雲
未及下至 於地之頃 天帝掌接 傾側恭敬
子出生時 顯露如是 奇瑞可怪 不可思議
天地爲之 感動證應 自是普明 將護名稱
少小勤求 解脫度世 塵勞之穢 旣虺毒害
正應登臨 轉輪王位 捨棄不顧 勤求滅度
不迷惑於 少壯之惑 念老病死 傷損其情
捨家入林 息心淨行 名稱之美 孰復踰此
其弟子衆 隨良調善 以是之故 得世敬養

迦棄目連 及舍利弗 是等屈就 餘敢不從
三王捨棄 美號王位 執持沙門 微妙威儀
其餘無數 賢善貴人 歸釋種子 訓化言教
佛於世間 所得諸偶 或因弟子 或以已德
宜設方便 早屈折之 如惡病王 思惟除滅
曼令吾等 瑕醜未現 人未覺悟 簇髮重戴
亦曼未笑 灰塗身體 裸露五形 如是體節
現子所爲 不可得勝 以其辯口 託諸言說
巧便精進 及於無畏 豐秋賢善 并與迦葉
厥性質直 名曰審諦 身體壯丁 巍巍可畏

所學聰疾 明達踰師 現世學人 猶如草穢
又自矜高 意常求敵 言辭臨衆 譬如醉客
得至釋子 皆沉著地 自居如象 過猛師子
吾惟一事 可以勝之 偏當以此 得伏于耶
若能爾時 必得勝子 名稱可畏 又增利養
惟可請佛 令現神變 子性少求 又喜慚愧
每勅弟子 不現神足 若不現變 則負吾等
聞是皆喜 還相歎譽 已各罷散 各隅廬窟
魔天其夜 詣諸異學 欲以威神 令意喜悅
各各一一 至其廬窟 自變形容 如其弟子

自投其身 不蘭足下 我真實是 聖師弟子
又復往至 餘五人所 徧往行詣 欺誑六人
以其神足 令各愕然 梵志歡喜 謂必果勝
諸梵志等 各各早起 大相聚合 到王宮門
詣王耳目 明司之官 具各陳情 使入啓王
是誰梵志 大婆羅門 戒所長養 智慧宿年
今來詣門 求見大王 如天仙士 詣帝釋門
王曰吾聞 是諸梵志 欲與佛競 顯已功德
嫉惡於佛 善德相好 如阿須倫 嫉月之明
臣下白王 是等羣聚 長聲響響 求敵欲鬪

佛本行經卷四

佛本行經卷四

三

三

佛子行經卷四

三

七

猶如熊羆	特牛虎象	如為師子	見遮深谷
王卽聽使	諸梵志現	坐席承望	敬以客禮
慈意瞻視	遜辭與語	諸師何故	勞體顧意
諸梵志等	各舉右手	同時發聲	啓曰天王
智達慧人	應馳省王	如天仙士	謁現梵天
梵天立王	惟以一法	在於世間	證明人事
惟以稱量	是法非法	立王者位	如稱度量
自昔以來	未曾聞見	上世之時	猶不如是
視諸梵志	衆善功德	如於王國	受供養福
願聽其意	來之意故	今盡敬願	啓曰天王

今欲與此	瞿曇沙門	俱於王前	掩神足力
願躬臨視	大智慧者	有大神力	功德勝者
然後乃可	諦覺了知	其得勝者	王請為師
王良久乃	謂諸梵志	賢明競爭	理所不安
金初不曾	還與金爭	是故賢明	不當爭競
於是梵志	重復曰王	願王聽省	其等所因
不復開避	其等徑路	於已善法	勞動志思
捨棄舊典	所居廬窟	又復叛棄	梵志先師
突走歸趣	瞿曇法律	猶如海水	入摩竭口
說是事理	及餘無數	以諸言辭	切逼曰王

經

佛子行經卷四

三

七

總
佛行卷四
三
七

王因悶視	左右傍臣	便以此事	付黎師達
時黎師達	遜辭謂言	今說一事	惟各善聽
賢以善意	捫摸瘡痕	以輒滑筯	耗盡病源
師子虎狼	毒害蝮虺	值其睡眠	智者不覺
佛今坐定	入禪寂滅	仁等不宜	無事覺
猶如烏鵲	與金鳥諍	牛跡之水	與海掬量
螢火蟲子	與日爭明	田家灰堆	欲比須彌
求欲與日	力競光明	又欲與月	比其盛滿
欲與帝釋	共相照耀	又請梵天	示現神足
下賤之類	若餓鬼來	與諸上尊	欲掬神足

汝等請佛	亦復如是	何智達者	當信是事
仁等今餘	所有弟子	善自防護	於釋種子
如摩竭魚	久睡眠時	不可覺言	起來吞我
時王聽受	梵志所啓	王前下期	却後七日
王便輕出	往行見佛	具向世尊	陳說此事
我於尊法	終無厭足	聽受世尊	微妙正典
貪衆善意	無有斷絕	今諦思惟	世尊德善
尊無數劫	積行如流	今世功德	充滿如海
猶如晝後	興大雲雨	新水入海	充盈滿實
佛世尊之	無量巨海	梵志等見	洪滿盈溢

便欲以手 接取灑棄 灑棄巨海 欲令枯竭
梵志等期 會祇樹園 却後七日 摘神足力
其已許可 此等所啓 是輩與我 已結要誓
退志不失 啓白世尊 愚情有失 懃重如山
王體素白 麤丁殊大 歎佛威德 悚然細小
世尊弟子 名曰目連 長跪叉手 前白佛言
佛天中天 衆聖之師 願默寂然 是事見付
薄能挫折 此外異學 猶金翅鳥 臨海諸龍
佛以梵聲 而告之曰 斯等請吾 吾宜往應
王聞佛許 歡喜踊躍 因顯發聲 說是言曰

地上諸人 及虛空中 天龍鬼神 聽吾言令
種類展轉 必相告語 天上空中 大山巨海
相請來會 觀名稱德 必來莫疑 普世衆會
於是期會 七日已至 於祇樹間 徵瑞應現
以衆香汁 沐浴灌灑 若干色華 徧布其地
可見之類 於空中現 諸天營從 與諸天女
諸妙寶樹 於空中現 衆寶幡幢 如舌舐空
蓋拂垂珠 求雜種香 諸天瓔珞 華鬘轉息
衆寶積聚 處處顯現 諸天名寶 罽塞空中
天上世間 莫不踊躍 故集會來 觀身變現

諸天人聚 猶如大海 譬如秋水 趣於海淵
爾時有天 名曰稱鈴 觀諸無間 普懷歡喜
從天來下 稽首佛足 執恭敬意 白世尊曰
我今特當 殊異於餘 勤加奉事 於佛世尊
若有先時 以施善人 彼則加報 迎之以善
世尊普慈 加於世間 以次爲之 衆生恃怙
如今觀察 佛天中天 出興于世 獨爲我故
自惟我兄 大國之王 已身前世 行善惡事
緣是更歷 大艱難中 如從天人 墮於地獄
割我兩臂 乃到曲肘 兩脚見截 乃至于膝

猶如屠兒 屠羊之法 解我支節 令各解散
世尊爾時 來受我師 緣佛世尊 更受生命
時佛爲我 說微妙法 尋速建立 阿那含證
獨我一已 能勝異學 以神足力 壓伏外道
世尊躬自 歎其弟子 以一切智 或能預知
今當承事 小加勞苦 乃後來世 以爲念事
梵志後時 聞是言論 便不敢復 求摘神力
以已神足 忽然昇虛 斯須之間 到雪山中
於深谿谷 見其好樹 天香衆寶 甚嚴微妙
採取大樹 周帛由延 以手擎持 猶如寶蓋

時一切智 寶座之側 時諸天人 以雜天繒
校飾寶樹 甚可愛樂 於時便出 無量光明
譬如雲除 日霍然現 紫色色炎 白銀色光
其光晃昱 普曜世間 自然芙蓉 從地中現
千葉蓮華 天雜寶成 妙紺琉璃 以爲華莖
象牙高座 在蓮華上 天金色臺 網明珠首
爲佛施主 極好無比 時佛徐行 就天寶座
處於華上 如梵天王 佛身光明 踰倍於前
日月明珠 不可爲比 奮放臂光 照曜世間
一切智燈 明輝於世 猶如蓮華 塵永不著

衆生視佛 周匝圍遶 如蜂集華 而食其精
熟視佛面 而無厭足 遣使往請 外道諸師
意疑不欲 來就衆會 時佛告語 諸天人曰
是等不來 至此共會 於時神通 一切聖智
衆生緣畢 應得度者 卽以佛眼 都察十方
欲從生死 廣度衆生 地卽劈裂 獄苦盡現
如大張口 欲吞世間 衆生恐怖 心懷戰慄
如船賈客 遭摩竭口 時佛呼告 大目犍連
勅語衆生 諸地獄名 是痛如此 此苦如是
犯是瑕惡 墮是地獄 目連昇虛 奮洪聲令

系

佛子系卷四

美

通

五

佛子系卷四

五

蓮化

徧十八獄 說其罪對 時衆生各 識本所作
我應墮此 我應生此 一切衆生 心盡向佛
餘無可怙 惟歸三尊 衆生心專 一向不動
悚息縛束 爾乃現變 於佛寶座 四角化現
角有四佛 坐寶蓮華 因是轉變 無數諸佛
坐寶蓮華 塞滿虛空 諸佛光明 照曜十方
身或出水 如雲中雨 或復變現 水火俱出
滿虛空中 化現如是 時佛奮現 如是神變
至二十八 無結愛天 諸佛充滿 三千世界
衆生遠近 見佛所在 諸佛世尊 坐蓮華上

光明神德 一切具足 功德巍巍 猶如寶山
四巖嚴飾 光曜於世 如梵天王 華中出時
坐蓮華上 威儀備悉 惟佛世尊 降伏魔兵
坐蓮華上 德超梵天 一切衆生 展轉相謂
劫數若干 百千萬億 無央數劫 所積聚德
一切智藏 金日乃發 猶如往古 劫初之時
四生衆生 從梵口出 佛今所現 如古梵天
世尊口出 無央數佛 自古以來 衆生懷念
謂此世界 惟有一佛 蒙佛光明 長養衆善
無央數佛 世所恃怙 佛之大燈 然於世間

光明徹照 三界衆生 世間無復 愚癡之冥
一切智明 愚癡除盡 紺色光明 晃耀虛空
坐於千葉 寶蓮華上 佛現福報 滿是世界
猶如大海 七寶充盈 佛現衆會 皆懷善心
卽以深奧 柔軟清淨 梵哀鸞音 以種種聲
廣爲衆生 說微妙法 如是三界 無常無堅
無我苦空 滅無爲安 佛說如是 深要法時
聲徧流聞 三千世界 有億衆生 發大道意
又餘無數 發緣覺乘 復億衆生 逮得道跡
諸外異學 捨外邪見 時佛卽便 還檢威神

於衆座前 顯然昇天 於忉利宮 爲母說法
以甘露藥 飲諸天人 佛所以得 勝諸梵志
神足變化 威德相好 充滿一切 衆生之類
普同淨潔 甘露法藥 汝今在此 現大神變
化度無量 無數衆生 其諸天神 逮見佛名
念佛恩德 擁護世間 其聞是者 增益功德
緣是種善 於佛福田 得度生死 苦惱之對
因入泥洹 安樂之城

佛本行經卷第四

音釋

毛

毛托呵高切攪古巧

螿施隻切毒也

撒

苦切擊也

駮

獷

古猛切

勞

晉覓切

忤

五故切

桴

芳無切

駮

前角切

羊乳也

惡也

破也

桐城浮渡居士吳用先施贊刻此

佛本行經卷四計字九千一百一十九 該銀

四兩一錢一分 天啓五年乙丑季冬吉日徑山化城寺謹

ラノ九

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9